

# Liahona

## O Au, o Lo'u Aiga, ma le Fuafuaga a le Atua

Mataupu Faavae e Iva mo Lou Aiga i le  
Taimi Nei ma i le Lumanai, itulau 12

O Le Taula Uma o Tamaitai ma Alii,  
itulau 24

Sister Aburto: O Le Ala na Faamalolo  
ai e le Atua Lo'u Aiga, itulau 26

UA I AI  
IINEI LE  
EKALEΣIA

Carmen  
**Filipaina**





O le Paranesi a Carmen, o loo suitulaga ai le nofoaga lenei i Bohol, e i le siteki o Tagbilaran ma o se tasi o auloto 1,227 i Filipaina. O ni nai mea moni nei e uiga i le Eklesia i Filipaina:

O tagata o le  
Eklesia (1 mai le  
134 tagata)



**785,164**

**107**



siteki ma itu e 67

misiona

**22**

ANG SEMBRAHAN NI  
JESUCRISTO  
NG MGA BANAL  
SA MGA HULING ARAW



**2**

O malumalu o loo faaaogaina,  
1 o loo fau, ma le 4 ua  
fogogaina mai

nofoaga autu mo le  
aoaoina o faifeautalai

**1**



**1967**

Faatulagaina ai le uluai misiona

**1969**

Aofaiga aupito mauluga o papatisoga  
pe a faatusatua i se isi lava atunu i  
le lalolagi

**1973**


Faatulagaina ai le uluai siteki

**2017**

Atunu lona lima i le Eklesia  
ua ausia le 100 o siteki



A'oa'o atili e uiga i le Eklesia i ni nofoaga eseese i le  
history.ChurchofJesusChrist.org/GlobalHistories.



Auauna atu e ala i le  
Sau, Mulimuli Mai ia te A'u

8



O Le Folafolaga  
i le Aiga i Ona  
Po Nei  
12



O Vavega o le Faamalologa e ala  
i Sauniga o le Malumalu

Reyna I. Aburto

26



E Faapefea Ona Ou Talanoa i  
La'u Fanau e uiga i le Taua Uma  
o Tamaitai ma Alii?

24

## Vaega o se Aiga Faavavau

E ala i o'u lava aafiaga patino ma la'u tautua i le Au Peresitene Aoao o le Aualofa, ua ou muai vaai ai i le toatele o tagata i le lalolagi e le o ola i tulaga atoatoa faaleaiga. O le mea moni, ou te le o mautinoa pe o i ai se tasi o ola ai! O le tulaga matagofie o loo faamatalaina i le "O Le Aiga: O Se Folafolaga i le Lalolagi" e faamanatu mai ai ia i tatou le aiga matagofie e faavavau lea ua avea mo tatou. O loo aoao mai ai e faapea, o i tatou uma o se vaega o le aiga o le Atua ma ua faamanatu mai ai ia i tatou e faapea, po o a lava o tatou tulaga faaleaiga i le lalolagi, o loo tofu siomia i tatou taitoatas i uso ma tuagane.

- Talu ai o i tatou uma o ni tagata e le atoatoa, e ono le mafai lava ona atoatoa o tatou tulaga faaleaiga i lenei olaga. Ae e mafai e lo tatou Faaola ona saunia mo i tatou le faamalologa. I le itulau 26, ua ou faasoa atu ai le ala na aumaia ai e galuega faalemalumalu le faamalologa a le Atua i lo'u aiga i itu uma e lua o le veli.
- O le aoao atili e uiga i mataupu faavae i le folafolaga e mafai ai ona fesoasoani ia te oe e faamalosia lou faatuatua ma i latou o vagaia oe, pe o a lava tulaga o lou aiga. O le talatusia o loo amata i le itulau 12 e mafai ona uunaia ai oe i manatu mo le faaaogaina o nei aoaoga i lou olaga.

E alolofa o tatou matua faalelagi ia i tatou, o a la fanau, ma o loo i ai i lo tatou Tama Faalelagi se fuafuaga mo i tatou taitoatas. O lona uiga o loo i ai Sana fuafuaga mo oe. Faamolemole ia faaauau pea ona e agaigai atu ia te la i le faatuatua. Fesoasoani i tagata o lou aiga faavavau i le ala e toe foi atu ai ia te la. O le a la faasoa atu le faamoemoe ma le faamalologa i le aluga o lau malaga. Ma o le a i ai se aso, o le a tofu maua ai e i tatou le avanoa e toefoi atu ai i se aiga faalelagi faavavau atoatoa.

la faamanua ma ia faamalosia outou e le Atua,

Sister Reyna I. Aburto

Fesoasoani Lua i le Au Peresitene Aoao o le Aualofa

# Anotusi

## 5 E Faapefea Pe Afai e Le Faapea Foliga o Lo'u Aiga? ☺

### 6 Atatosi o le Faatuatua ☺

O Kevin ma Kendra Henderson

Sa tiaala e le Atua le au Henderson i le talalelei e ala i uunaiga mai le Agaga Paia.

### 8 Mataupu Faavae mo le Auaunaga

Auauna atu e ala i le Sau, *Mulimuli Mai ia te A'u*

Sa fatuina le Sau, *Mulimuli Mai ia te A'u* e fesoasoani ai i tagata taitoatasi i uarota, aiga, ma vasega ia soofaatasi ma auauna atu le tasi i le isi.

### 12 O Le Vaaia o Oe Lava i le Folafolaga i le Aiga

O punaoa e fesoasoani ia te oe ina ia malamalama atili ma faaaoga le folafolaga i le aiga.

### 24 E Faapefea Ona Ou Talanoa i La'u Fanau e uiga i le Taua Uma o Tamaitai ma Alii? ☺

O motugaafa e iva e fesoasoani ai ia te oe e aoao lau fanau e uiga i le taufai taua o ali'i ma tamaitai.

### 26 O Vavega o le Faamalologa e ala i Sauniga o le Malumalu

Saunia e Reyna I. Aburto

Ua faasoa mai e Sister Aburto le ala na faamalolo ai e galuega faalemalumalu lona aiga ma le ala e mafai ai e le Faaola ona faamalolo i tatou taitoatasi.

### 32 O Leo o Le Au Paia o Aso e Gata Ai ☺

Ua musuia se faiaoga ia eseese auala e aoao atu ai; o se tusi na taliina e aunoa ma le auina atu; o le lavea o le taavale a se uso ua aoao mai ai e uiga i le alofa o le Tama Faalelagi; o se tina ma se atalii ua fausia la la'ua sootaga e ala i le faitauina faatasi o le Tusi a Mamona.

### 36 Sau, Mulimuli Mai ia te A'u: Tusi a Mamona ☺

O nei tusiga faalevaiaso e lagolago ai lau suesuega o le Tusi a Mamona i le masina lenei.

### 40 O La'u Tusigāmanatu o le Konafesi: Konafesi Aoao ia Aperila 2020 ☺

#### ☺ Faitauga Vave

#### ☺ Lagolago mo le

*Sau, Mulimuli Mai ia te A'u*

I Le Faavae  
Atapue mai le Cody Bell.

# Vaega

## Autalavou Matutua

### 42

Ua tofu oo i tatou taitoatasi i **tauiviga**

**ma o tatou soifua maloloina**

**faalemafaufau**, ae tatou te le tau

asaina na o i tatou. E mafai ona tatou

**aapa atu i isi**

**ma i lo tatou**

**Faaola** mo le

alofa, sootaga,

ma le malo-

siaga. Faitau

e uiga i auala

na aapa atu ai

le autalavou

matutua i vaitau

o tauiviga.



O Se Tiaala e **3**-Lasaga  
e Tausisia ai Lou  
**Soifua Maloloina**  
**Faalemafaufau**

## Autalavou

Sauniuni mo

le konafesi ma

tusi ni tusiga-

manatu i le **Api**

**o Tusigāmanatu**

**o le Konafesi**

**Aoao.**



## Tamaiti

### Uo

E mafai ona e **faalo-**

**gologo i perofeta**

**anamua ma ona po**

**nei** o aoao mai e uiga

ia lesu Keriso!



## E NA'O TUSIGA FAATEKINOLOSI O SETEMA



**Sa Ou Filifili e Nofo. O Le Auala Lea E Mafai Ona E Fesoasoani ai i se Tasi e Nofo Foi**

Saunia e Shantelle Avery

Ua faasoa mai e se talavou matua o lē sa feagai ma se mafatiaga faalemafau-fau, lona malamalamaaga e uiga i le fesoasoani atu i isi e filifili le ola nai lo le faamuta o le ola.



**Sa I'u ina Ou Ta'utino Atu Sa Ou Atuatuvale. O Iesu Keriso Sa Laveaiina Au mai le Pogisa**

Saunia e Nephi Tangalin

O se talavou matua mai Filipaina o loo faasoa mai lona aafiaga i le faamalologa mai se ma'i o le mafaufau.



**O Le Ala na Faamalosia ai e le Lē Fanau La'u Molimau i le Folafolaga i le Aiga**

Saunia e Carena Kastello

Ua faasoa mai e se tasi o le ekalesia lana tala maoae o le le fanau ma le vaetamina ma le ala na faamalosia ai lona faatuua e ona tofotofoga aupito tetele.

## SAILI NISI MEA

I le polokalama o le Potutusi o le Talalelei [Gospel Library] po o le liahona.ChurchofJesusChrist.org, e mafai ona e:

- Maua ai le lomiga lenei.
- Maua na'o anotusi faatekinolosi.
- Saili lomiga ua mavae.
- Auina mai au tala ma manatu faaalia.
- Totogi [se lomiga] pe tuu atu se meaalofa o le totogi o se lomiga.
- Faaleleia au suesuega i meafaigaluega faatekinolosi.
- Faasoa atu tusiga ma vitio e sili ona e fafia i ai.
- Sii mai pe lolomi ia tusiga.
- Faalologologo i tusiga e sili ona e fafia i ai.

## FAAFESOOTAI MAI I MATOU

Auina mai fesili ma manatu faaalia i le liahona@ChurchofJesusChrist.org.

la auina mai au tala i le liahona.ChurchofJesusChrist.org pe lafo mai i le:

Liahona, flr. 23

50 E. North Temple Street

Salt Lake City, UT 84150-0023, USA

**SETEMA 2020 VOL. 44 NU. 9  
LIAHONA 16724 890**

O le mekasini faavaomalo o Le Ekalesia a Iesu Keriso o le Au Paia o Aso e Gata Ai

**O Le Au Peresitene Sili:** Russell M. Nelson, Dallin H. Oaks, Henry B. Eyring

**O le Korama a Apostolo e**

**Toasefululua:** M. Russell Ballard, Jeffrey R. Holland, Dieter F. Uchtdorf, David A. Bednar, Quentin L. Cook, D. Todd Christofferson, Neil L. Andersen, Ronald A. Rasband, Gary E. Stevenson, Dale G. Renlund, Gerrit W. Gong, Ulisses Soares

**Faatonu:** Randy D. Fink

**Faufautua:** Becky Craven, Sharon Eubank, Cristina B. Franco, Walter F. González, Larry S. Kacher, Jan E. Newman, Adrián Ochoa, Michael T. Ringwood, Vern P. Stanfill

**Pule Faatonusili:** Richard I. Heaton

**Faatonusili o Mekasini a le Ekalesia:**

Allan R. Loyborg

**Pule o Mea Tau Pisini:** Garff Cannon

**Pule Faatonu:** Adam C. Olson

**Pule Faatonu Lagolago:** Ryan Carr

**Faasalalau Lagolago:** Enish C. Dávila

**Au Tusitusi ma Faatonutonu:**

David Dickson, David A. Edwards, Matthew D. Flitton, Garrett H. Garff, Jon Ryan Jensen, Aaron Johnston, Charlotte Larcabal, Michael R. Morris, Eric B. Murdock, Joshua J. Perkey, Jay Pinborough, Richard M. Romney, Mindy Selu, Lori Fuller Sosa, Chakell Wardleigh, Marissa Widdison

**Faatonusili o Faatufugaga:** Tadd R. Peterson

**Mamanu:** Jeanette Andrews, Fay P. Andrus, Mandy Bentley, C. Kimball Bott, Thomas Child, Joshua Dennis, David Green, Colleen Hinchley, Eric P. Johnsen, Susan Lofgren, Scott M. Mooy, Aleni Regehr, Mark W. Robison, K. Nicole Walkenhorst

**Faatonu o le Puletaofia o Meatotino:**

Collette Nebeker Aune

**Pule i le Gaosiga:** Ammon Harris, Jane Ann Peters

**Gaosiga:** Ira Glen Adair, Julie Burdett,

José Chavez, Bryan W. Gygi, Ginny J. Nilson, Marissa M. Smith

**Tailolomi:** Joshua Dennis, Ammon Harris

**Faatonusili Lomitusi:** Steven T. Lewis

**Faatonusili o Faletusi:** Nelson Gonzalez Mo le okaina o mekasini, alu i le store.ChurchofJesusChrist.org po o le Faletusi Tutotonu i Pesega. Telefoni 64127. Totogi o le Mekasini: \$0.55 (Samoa) i le kopī. Totogi mo le Tausaga Atoa \$6.60 (Samoa).

**Auina atu tusitusiga ma faafesili i lugia o le intoneti i le liahona.**

ChurchofJesusChrist.org: pe meli mai i le Liahona, flr. 23, 50 E. North Temple, Salt Lake City, UT 84150-0023, USA; po o le i-meli: liahona@ChurchofJesusChrist.org.

**Liahona** (o lona uiga i le Tusi a Mamona o le "tapasa" po o se "faatonuula") e lomia i le faa-Alepania, Aminia (Sasae), Pisilama, Palekeria, Kemputia, Sepuan, Saina, Kalaotia, Siekisolvakia, Tenimaka, Take, Ijillisi, Eistonia, Fiti, Finelani, Farani, Siamani, Eleni, Hanikeri, Initu, Iselani, Initoniesia, Italia, Iapani, Kiripati, Korea, Lativia, Litunia,

Malakasa, Masela, Monokolia, Nouei, Polani, Potukale, Romania, Rusia, Samoa, Saina (ua faafagofieina), Silovenia, Sipaniolo, Suetena, Swahili, Tagaloka, Tahiti, Tai, Toga, Lukureini, Urutu, ma Vlatename. (E eseese lava gagana.)

© 2020 Puletaofia e the Intellectual Reserve, Inc. Ua taofia aia tatau uma. Lomia i le lunaite Setete o Amerika.

**Faamatlagaa o le Puletaofia:** Vagana ua faailoa mai, e mafai e tagata taitoatasí ona kopī anomea mai le Liahona mo lo lato lava faaagaina patino, e le faia ai ni pisinisi (e aofia ai valaauga o le Ekalesia). O lenei aia tatau e mafai ona faaleoagaina i soos se taimi. E le tatau ona kopīna ia ata pe afai o loo faaalia le faasaina i le laina o faaaloologa faatasi ai ma le faatufugaga. Ia auina mai fesili e uiga i le puletaofia e the Intellectual

Property Office, 50 E. North Temple St., FL 13, Salt Lake City, UT 84150, USA; email: cor-intellectualproperty@ChurchofJesusChrist.org.

**Mo le Aufaitau i le lunaite Setete ma Kanata:** September 2020 Vol. 44 No. 9.

LIAHONA (USPS 311) Samoan (ISSN 1045-0947) is published monthly by The Church of Jesus Christ of Latter-day Saints, 50 E. North Temple St., Salt Lake City, UT 84150. USA subscription price is \$10.00 per year; Canada, \$12.00 plus applicable taxes. Periodicals

Postage Paid at Salt Lake City, Utah. Sixty days' notice required for change of address. Include address label from a recent issue; old and new address must be included. Send USA and Canadian subscriptions to Salt

Lake Distribution Center at address below. Subscription help line: 1-800-537-5971. Credit card orders (American Express, Discover, MasterCard, Visa) may be taken by phone or at store.ChurchofJesusChrist.org. (Canada Post Information: Publication Agreement #40017431)

POSTMASTER: Send all UAA to CFS (see DMM 507.1.5.2). NONPOSTAL AND MILITARY FACILITIES: Send address changes to Distribution Services, Church Magazines, P.O. Box 26368, Salt Lake City, UT 84126-0368, USA.

## E FAAPEFEA PE AFAI E LE FAAPEA FOLIGA O LO'U AIGA?

**E**maeu lo tatou lotofaafetai mo perofeta soifua ma aposetolo, o e na tuuina mai le "O Le Aiga: O Se Folafolaga i le Lalolagi" i le 25 tausaga talu ai. O loo aoao mai ai i tatou i le aoaoga faavae e faavavau o le aiga ma lisi mai ai mataupu faavae e ola ai faaipoipoga ma aiga faamanuiaina.

AE ui o lea, o ni isi tagata atonu e taumānatunatu pe faapefea ona faatatau le folafolaga ia i latou ae "e le fetau lelei o latou lava aafiaga i le taimi nei i totonu o le folafolaga i le aiga."<sup>1</sup>

Sa saunoa Elder Richard G. Scott (1928–2015) o le Korama a Apostolo e Toasefululua e uiga i lenei atugaluga i le konafesi aoao, ma faasoa mai ai le faamalosiauga lenei: "E tusa



lava pe le o faataunuina ia vaega taua o [le ata o le fiafia] i lou olaga i le taimi nei, ae o le a avea lava mou i le taimi talafeagai a le Alii. Ou te folafola atu foi ia te oe e mafai ona e maua le tuputupu ae uiga ese ma le fiafia i le taimi nei i tulaga o e i ai nei. I le avea ai o se afafine po o se atalii o le Atua, ia e ola po o le a lava le vaega o le ata e te mafaia i le mea aupito sili ona e mafaia."<sup>2</sup> ■

### FAAMATALAGA

1. Neil L. Andersen, "O Le Mata o le Faatuatua," *Liahona*, Me 2019, 36.
2. Richard G. Scott, "O Le Olioli i le Ola Ai i le Fuafuaga Sili o le Fiafia," *Liahona*, Ian. 1997, 90.

*Amata i le itulau 12, o loo faasoa mai ai e tagata ma taitai o le Ekalesia auala ua taialaina ai i latou e le folafolaga i le aiga.*



**SAILILI ATILI**

Faitau i le tala o le liua o le au Henderson, ma tagai i isi ata i le initonet i po o le fatuga o le Gospel Library o lenei tusiga i le [ChurchofJesusChrist.org/go/9206](http://ChurchofJesusChrist.org/go/9206).

Aoao mai ia Elder Dieter F. Uchtdorf i le auala e mafai ai e le Agaga ona taiala i tatou uma i le malamalama ma le upumoni i le [ChurchofJesusChrist.org/go/9207](http://ChurchofJesusChrist.org/go/9207).

## O Kevin ma Kendra Henderson

Karolaina i Matu, ISA



*O le taimi muamua, sa tetee ia Kendra i le naunau o Kevin i le Eklesia. O lenei ua la toe tepe i tua ma vaaia ai le ala na taialaina ai i la'ua uma e le Alii i le talalelei.*

LESLIE NILSSON, TAGATA PUEATA

**Kevin:**

Sa ou tau atu i le Tama Faalelagi o le a ou faia soo se mea pe afai Na te ta'u mai ia te au le ala e finagalo o la ou te uia. Ina ua ou mafaufau i le papatisoga, sa ou lagolina le gasē, e peiseai o le matagi, na uftia ai au. O le Agaga Paia sa ta'uina mai ia te au, "O le mea lea e tatau ona e faia."

**Kendra:**

Sa fai si o'u faatuatuai laitiiti ina ua matou faatulagaina se aso mo lo'u papatisoga. Sa o mai faifeatalai, ma sa matou talanoa e uiga i ai.

Mulimuli ane, sa ou fesili i la'u tama teine, o Aryanna, "E te fia papatiso?"

Sa fai mai o ia, "Mama, ua ou sauni i soo se taimi ua e saunia ai."

I le papatisoga o Aryanna, sa maligi ona loimata o le olioli. Ina ua ou vaai atu ia te ia, sa ou mafaufau, *Ua ou i ai i le mea e tatau ona ou i ai.*

**Kevin:**

Ou te iloa ua aumaia e le Tama Faalelagi le talalelei i lo matou aiga aua e alofa o la ma e manatu alofa mai ia i matou.

# Mataupu Faavae mo le Auaunaga

## AUAUNA ATU E ALA I LE SAU, MULIMULI MAI IA TE A'U

*E mafai faapefea ona fesoasoani ia te oe le Sau,  
Mulimuli Mai ia te A'u e faia ai se eseesega i isi?*

**P**e o e faatasi ma lou aiga, i se potuaoga o le Aoga Sa o se faiaoga po o se tagata aoao, po o le aoga, galuega, po o se isi mea, o le *Sau, Mulimuli Mai ia te a'u* o loo lava avanoa o loo ofoina mai ai e auauna atu ai i isi. O le mea moni, o le aoao atu “e sili atu i le na ona taitaia o se talanoaga i le Aso Sa; e aofia ai le auauna atu ma le alofa ma faamanuiaina isi i le talalelei.”<sup>1</sup>

### Fesootai ma Tagata Aoao

Ina ua tofia Ofelia Trejo de Cárdenas e faiaoga i talavou matutua i lana uarota i le Aai o Mekisiko, sa ia lagonaina o le i ai o se sootaga vavalalata ma tagata taitasi o lana vasega o le Aoga Sa, o le a faateleina ai lona tomai e aoao atu ma faamalolosia i latou.

“Afai e le vavalata la matou mafutaga ma a'u tagata aoao ma afai latou te le lagonaina lo'u alofa, atonu o le a latou le talitonu ia te au pe a ou faiaoga i le vasega pe tuu atu la'u molimau,” o lana tala lea. “Latou te ono lagonaina faapea ua *na* o au o se faiaoga o le Aoga Sa.”

Ae e mafai faapefea e Sister Cárdenas ona atiina ae sea sootaga pe afai e na o le taitasi i le lua vaiaso ona ia aoao atu? Sa ia maua le tali e ala i tekinolosi. O le faaaogaina o le polokalama o le WhatsApp i le telefoni feavea'i, sa lei pine ai ae fesootai o ia ma lana vasega e ala i tesи ma feau faaleo. O le taimi nei, o aso uma ao lei oo i le lesona o le Aso Sa e sosoo ai, e auina atu ai e se volenitia o le vasega i isi tagata o le vasega se fuaiupu o le mau mai le isi lesona faatasi ai ma se mafaufauga patino e faatatau i ai. A uma ona faitau le fuaiupu ma le mafaufauga, ona tali mai lea o tagata o le vasega i o latou foi lava mafaufauga.





*“Pe a latou  
faitauina le mau  
mo le aso, latou te  
auina mai se ata  
o se foliga fiafia  
ina ia ou iloa ai  
ua uma ona latou  
faitauina.”*

“Pe a latou faitauina le mau, latou te auina mai se ata o se foliga fiafia ina ia ou iloa ai ua uma ona latou faitau pe suesueina le mau ma sa latou mafaufau i ai,” o le tala lea a Sister Cárdenas. A oo i le taimi mo le lesona o le isi Aso Sa, ua saunia tamaiti e auai [i le talatalanoaga].

O lea sootaga i aso taitasi na faamanuaiaina talu ai nei se tasi o talavou matua o ona matua e le malolosi i le Lotu.

“E ese lo’u fiafia pe a ou vaai ua sau o ia i le lotu aua ua ou iloa, ina ia taunu iina, e tatau ona ia uia ni luitau,” o le tala lea a Sister Cárdenas. “Ou te talitonu o mau ma mafaufauga na auina atu e lana vasega ma mau ma mafaufauga na te auina atu pe a oo le faasologa ia te ia, ua faamalosia tele ai o ia.”

Fai mai Sister Cárdenas o le auauna atu e ala i mau, e le gata ai i ana lesona o le Aso Sa ma le sootaga i aso taitasi faaletusitusiga paia a lana vasega.

“O la’u tapenaga e aofia ai le tatalo mo a’u tamaiti aoao,” na ia fai mai ai. “Ou te le o

mafaufau i a’u tagata aoga i na’o Aso Sa ae o aso uma o le vaiaso. E tofu i latou ma ni manaoga faapitoa ma eseeese. O i latou tai-toatasi o fanau a le Atua. Ou te mafaufau ia i latou ao o’u tapenapenaina a’u lesona.”

Ma a oo foi ina ia faiaoga, e faalogologo o ia--i ana tamaiti aoga faapea foi i le Agaga Paia.

“O le faiaoga o le Agaga,” lea e tele taimi na te lagonaina ai i leo o ana tamaiti aoao. “E tatau ona ou gauai atu aua o mea latou te fai mai ai o le faaaliga lea e tuu atu e le Agaga ia i latou.”

#### **O La Matou Vasega e “Pei o se Afiafi Faaleaiga”**

E lagona e Carla Gutiérrez Ortega Córdoba le faamanuaiaina o se tasi o le vasega a Sister Cárdenas i le Aoga Sa ona o lona siosiomaga faafailiele ma le auauna atu. E patipatia e Carla lena siosiomaga ona o ni mea moni e aofia ai:

- Tapenaga: Fefaaasoai o mau ma mafaufauga e fesoasoani i tagata aoao e saunia ai mo le isi vasega. “O mau i aso taitasi ua faafailieleina ai i matou ma faalautele ai lo matou malamalamama,” o lana faamalamalamaga lea.
- Saofagaga: “Matou te tautatala uma lava. O le mea lenei e mafai ai ona loloto lo’u iloa o tagata o la’u vasega, o ni uo ma o ni tuagane ma ni uso.”
- Alofa: “O Sister Cárdenas na te taitaiina oe i lou lima. E pei le matou vasega o se afiafi faaleaiga, faatasi ma nai uso ma tuagane. E faapitoa tele.”
- O Le Agaga Paia: “Matou te maua se agaga manaia, ma le logomalie i le matou vasega aua e ogatusa lava mea matou te faia ma le Agaga.”
- Molimau: O le “*Sau, Mulimuli Mai ia te A’u* ua fesoasoani ia te au e saunia ai e faasoa atu la’u molimau. Ua ou maua se malamalamama loloto atu i le Tusi a Mamona ma le Tusi Paia. O lena mea ua mafai ai ona ou faasoa atu mea ou te aoaoina i tagata o la’u vasega i le aoga ma tagata i le galuega.”

## Auauna Atu i Manaoga Faaleagaga

Ina ua faitau ia Greg ma Nicky Christensen, mai Kentucky, ISA, ma o la atalii e toatolu e uiga i le feagai-ga faaAperaamo i tusitusiga paia, sa faigata ia i la'ua ona faamalamalama atu ia i latou. Sa tonu ia i latou i le avea ai o se aiga, o le a tofu suesue le tagata lava ia i le feagaiga faaAperaamo ona faasoaa mai lea o mea latou te mauaina.

“Na matou maua ni faamatalaga mananaia,” o le tala lea a Greg. “Sa aoaoina e lo ma atalii e valu-tausaga sa faaaoga e Aperaamo le igoa Aperaamo. Sa suia lona igoa ia Aperaamo ona sa ia faia se folafolaga i le Atua e fulitua i le agasala ae ola i se olaga amiontonu. Sa ou matuai ofo lava ona sa mafai ona ia maua mai lena mea.”

Sa latou taufai aoaoina uma se mea fou ma sa manaia se talanoaga e uiga i le feagaiga faaAperaamo ma lona uiga mo le Au Paia o Aso e Gata Ai i ona po nei.

“Sa masani ona na ona matou faasolosolo ma feauaua'i e faitau fuaiupu o tusitusiga paia mo la matou suesuega faaleaiga o tusitusiga paia,” o le tala lea a Nicky. O le “*Sau, Mulimuli Mai ia te A'u* e tele ina taulai agai atu i le aoao atu e ala i le Agaga. O lenei, pe a matou suesue faatasi, ou te lagonaina nai uunaiga laiti mai le Agaga e tata'i a matou talanoaga i se isi itu e faavae i mea o manaomia e lo matou aiga.” ■

## FAASOA OU AAIFIAGA

Auina mai ia i matou ou aaifiaga o le auauna atu i isi po o auaunaga na faia mo oe. Alu i le liahona .ChurchofJesusChrist.org ma kiliki le “Submit an Article or Feedback.”

O le faaaaogaina o le *Sau Mulimuli Mai ia te A'u* ua le gata ina fesoasoani i lo latou aiga ia gauai atili ma nau-nau ai i le suesueina o le talalelei i le aiga, ae ua fesoasoani foi ia Greg ma Nicky e auauna atu i manaoga faale-agaga o le la fanau.

O le “*Sau, Mulimuli Mai ia te A'u* ua fesoasoani ou te aoao ai la'u fanau,” o le tala lea a Nicky. “Ua fesoasoani foi ia te au e taulima ai luitau eseese matou te oo i ai i nisi o taimi ma la'u fanau. Ua ou maua atili se mafutaga ma le Agaga, ua ou faalogo atili, ma ua ou maua uunaiga i auala e mafai ona ou fesoasoani ai i tamaiti taitasi.”

Ua fafia lava Greg i talanoaga uumi o le talalelei lea ua fesoasoani ai le *Sau Mulimuli Mai ia te A'u* e faatupuina i le aiga. E eseese uma lava le ma fanau i mea ua latou i ai e tusa ma lo latou malamalama i le talalelei,” na ia fai mai ai. “O le *Sau, Mulimuli Mai ia te A'u* ua saunia ai se auala mo i ma'ua e fesoasoani ai ia i latou e aoao e fua i o latou manaoga. O le vaaia o i latou o tuputupu ae i lo latou fafia i le talalelei ma le vaaavai atu o latou manatunatu pe mafai faapefea ona latou faaaaogaina le malamalama i le talalelei i o latou olaga, o se faamanuiaga matagofie lea.” ■

### FAAMATALAGA

1. *Sau, Mulimuli Mai ia te A'u—Mo Le Aoga Sa: Tusi a Mamona 2020* (2019), 19.

## AUAUNA ATU E ALA I LE SAU, MULIMULI MAI IA TE A'U

O ni nai manatu nei mo le faaaaoga-inia o le *Sau, Mulimuli Mai ia te A'u* ia outou taumafaiga e auauna atu i uo po o tuaoi:

1. Faasoaa atu mea o loo e faia i le *Sau, Mulimuli Mai ia te A'u* ma pe o faapefea ona e suesueina ia tusitusiga paia.
2. Faasoaa atu mea o loo e aoao-ina mai tusitusiga paia.
3. Valaaulia i latou o loo e auauna atu i ai e faasoaa mai se mea o loo latou aoaoina pe o faapefea foi ona latou suesue.
4. Faaaoga le *Sau, Mulimuli Mai ia te A'u* ma i latou ma suesue faatasi ai.
5. Matamata faatasi i se vitio o le Tusi a Mamona.
6. Faasoaa atu se tala mai le Tusi a Mamona.
7. Aumai se kopi o le *Sau, Mulimuli Mai ia te A'u* pe fesoasoani ia i latou e sii mai polokalama o le Gospel Library ma aoao i le ala e faaaaoga ai.
8. Faasoaa ma talanoaina nisi o faivaalofilima i le *Sau, Mulimuli Mai ia te A'u*.

## I TUA ATU O LE POTUAOGA

“O i latou ua tuuina atu i lau vaaiga o fanau a le Tama Faalelagi, ma ua la silafia mea latou te manaomia ma le ala sili e aapa atu ai ia te i latou. E ala atu i le Agaga Paia, o le a taiala ai oe e le Atua i le taimi o au tapenapenaga ma a o e aoao atu. O le a la faaali atu ia te oe mea e tatau ona e fai atu ai ma mea e tatau ona e faia.”

*Sau, Mulimuli Mai ia te A'u—Mo Le Aoga Sa: Tusi a Mamona 2020* (2019), v.





# O Le Vaaia o Oe lava i le Folafolaga i le Aiga

## 1. O i tatou taitoatasi o se vaega o se aiga e faavavau e i ai se faamoemoega paia

Po o a lava foliga o lo tatou aiga i le lalolagi, o i tatou taitoatasi o “se atalii po o se afafine agaga faapelepele a ni matua faalelagi” o e alolofa ia i tatou. I le avea ai ma se vaega o lenei aiga faavavau, o lo tatou faamoemoega paia o le “alualu i luma i le atoatoaga ma iu ai ina iloa [lo tatou] taunuuga paia o ni suli o le ola e faavavau.” (Sei vagana ua ta’ua, o upusii e aumai i le “O Le Aiga: O se Folafolaga i le Lalolagi.”)

### UA I AI SO TATOU NATURA MA SE TAUNUUGA PAIA

“O loo molimau mai le Agaga lava ia i o tatou agaga, o fanau i tatou a le Atua:

“Afaí foi o fanau i tatou, o suli foi; o suli lava o le Atua, o suli faatasi ma Keriso” (Roma 8:16 – 17).

*E ui o tulaga o le aiga o tagata uma e tulaga ese i nisi itu, “O Le Aiga: O Se Folafolaga i le Lalolagi” o loo i ai mataupu faavae e faavavau ia e maua ai se faamoemoega e tulimata’i i ai a o tatou taumafai ia ausia lo tatou gafatia faalelagi. O itulau nei o loo aofia ai ni malamalaaga e mafai ona fesoasoani ia i tatou ia sili atu le malamalama i mataupu faavae musuia o le folafolaga i le aiga. Afai tatou te faaaogaina na mataupu faavae i o tatou tulaga i le mea sili tatou te mafai, o le a faamanuiaina i tatou a o tatou fetaomi atu i luma i le ola e faavavau.*

### O I TATOU UMA O FANAU A NI MATUA FAALELAGI

“O i tatou o fanau— ae i se aiga maoae ma ni Matua ofoofogia! E mafai ona tatou vaai faalemafaufau ia i tatou lava e pei ona sa tatou i ai, mo se taimi e sili atu nai lo mea e mafai ona tatou mafaufauina, o atalii ma afafine e fegalegaleai i lo tatou aiga faalelagi ma Matua o e silafia ma alolofa ia i tatou.”

**Peresitene Henry B. Eyring, Fesoasoani Muamua i le Au Peresitene Sili, “O Le Aiga,” Liahona, Oke. 1998, 12.**

## **2. E fesoasoani lo tatou aiga i le lalolagi ia i tatou ia ausia lo tatou taunuuga e faavavau**

Na tuuina mai e le Atua ia i tatou ni aiga e fesoasoani ia i tatou e aoao ma tuputupu ae ai a o tatou saili e “agai i luma i le atoatoa” ma mautofi i le ola e faavavau. “O le aiga e totonugalemu i le fuafuaga a le Foafoa,” ma e ui e leai se aiga ua atoatoa, e mafai e le Atua ona fesoasoani ia i tatou ia alualu i luma ma le aiga ua ia i tatou.



### **NA TUUINA MAI E LE ATUA IA I TATOU NI AIGA E FESOASOANI TATOU TE TOE FOI ATU AI IA TE IA**

“E ui o aiga faalelalolagi e matua mamao lava mai le atoatoa, ae latou te avatu i fanau a le Atua le avanoa silisili e talileleia ai i latou i le lalolagi i le alofa e tasi i le lalolagi lea e latalata atu i le mea na tatou lagolina i le lagi—le alofa faamātua. O aiga o le auala sili foi lea e faasaoina ai ma tuufaasolo atu ai amioga mama ma matapu faavae moni ia o le a sili ona toe taitai atu ai i tatou i le afioaga o le Atua.”

Peresitene Henry B. Eyring, “Faapotopotoina o le Aiga o le Atua,” *Liahona*, Me 2017, 20.

### **E UUNAIA E LE AIGA LE ALUALU I LUMA**

“O le alualu i luma o le tagata lava ia e uunaia i le aiga, lea e ‘tonrugalemu i le fuafuaga a le Foafoa mo le taunuuga e faavavau o Lana fanau. ‘E tatau ona avea le aiga ma falesuesue o le alofa ma le auaua atu a le Atua.”

Peresitene Russell M. Nelson, Peresitene O Le Ekalesia a Iesu Keriso o le Au Paia o Aso e Gata Ai, “Faaolataga ma le Faaeaga,” *Liahona*, Me 2008, 8.



### **E MAFAI ONA TATOU AOAO E TUSA LAVA PO O LE A LO TATOU TULAGA FAALEAIGA**

“O le mea moni lava, o le toatele o tagata o le Ekalesia e le o ola i ni tulaga atoatoa faaleaiga. Ou te le mautinoa lava o loo i ai se tagata i lena aiga lelei atoatoa. Aisea la e tau-sisi ai pea le faamamafa? Ona **o le aiga o lo tatou taunuuga lea**, ma ua tatou i ai i lenei lalolagi e aoao ai i tomai o sootaga malolosi faaleaiga, e tusa lava po o le a lo tatou tulaga o i ai. . . .

“. . . E silafia outou e le Alii. . . . Afai e te tuu atu lou ola ia te la, o le a taialaina oe e Lona aao i laasaga uma o le ala seja oo ina e fiafia ma maua le filemu ma manaoga uma e lou loto.”

Sister Sharon Eubank, *Fesoasoani Muamua i le Au Peresitene Aoao o le Aualofa*, “O se Tusi i se Tuafafine Nofofua,” *Liahona*, Oke. 2019, 40, 41; na faaopoopo le faamatatetele.

### **SAILILI ATILI**

- Faitau le mea na iloa e se tina nofofua e uiga i le taumafai e faatumauina se “aiga e faavavau” faatasi ma lana fanau ina ua mavae se tatalaga faataumaoia o se faaipoipoga: asiasi i le [ChurchofJesusChrist.org/go/92014](https://www.ChurchofJesusChrist.org/go/92014).

## **SA LAVA LOU AIGA MO ONA FAAMOEMOEGA**

Saunia e Miranda Gaubatz, luta, ISA  
O lo'u aiga e le o le mea lea e te ta'ua o le aiga "atoatoa". Na tetea ou matua faatoa 11 ou tausaga, o lea sa tausia ai au e se tina nofofua, galue malosi ma tuuto. Sa ou lagona le pei e tuese matilatila lava i maua i sauniga faamanatuga.

I le avea ai ma se talavou, ou te manatua lou saofai ai i se lesona e uiga i le "O Le Aiga: O se Folafolaga i le Lalolagi," lo'u ootia a o ou faalogologo i se taitai o le autalavou o molimau mai i le aiga ma le oo ina ou maua la'u lava molimau na faamaonia faalelagi lo'u aiga laitiiti ma e mafai ona maua ai mea uma na ou manaomia i lenei lalolagi o i ai.

E ui lava i lena malamalama, sa ou faa'-atu e ave le vasega na manaomia O Aiga e Faavavau i ni nai tausaga mulimuli ane i le Iunivesite o Polika Iaga. Ou te lei manao e nofo i lea vasega ma lea vasega ma faalogologo e uiga i lo'u aiga "e le o atoatoa lelei". Ae sa amata e lau polofesa le matou vasega muamua i le faamatalaga lenei: "Tatou te talai atu le atoatoa lelei ae ola i le mea moni, ma faalagolago i le Togiola a le Faaola e faia le eseesege."

Ou te iloa o le aiga e totonugalemu i le fuafuaga a le Tama Faalelagi. E oo lava i aiga e itiiti ifo nai lo le atoatoa, e pei ona sa ou iloa ao talavou, e mafai ona fesoasoani ia i tatou e acao ma tuputupu ae ai. O le Faaola lava Ia na tausia e se tamāfai faalelalolagi. Ou te matua faafetai ona e mafai e Iesu Keriso ona ave o tatou aiga "e le atoatoa" ma faia ina ia lava e faataunu ai Ona faamoe-moega mo i tatou.

## **3. O le "Aiga" e mafai ona sili atu lona uiga nai lo na o matua ma fanau**

E tele sootaga faaleaiga e mafai ona avea ma tausimea paia. O uso, tuafafine, fafine o aiga, tamaloloa o aiga, tausoga, tagata o aiga faale-tulafono, ma isi e mafai ona tulagaese le uunaiga. "E tatau i aiga lautele ona tuuina atu le lagolago pe a manaomia." O le uunaia o nei sootaga faaleaiga e mafai ona maua ai le lagolago manaomia ma avea ai ma sootaga faatauaina.

### **E MAFAI ONA FAAMANUIAINA I TATOU E AIGA I ITU UMA O LE VELI**

'Pe a ou fai atu aiga, ou te le o faapea atu o lo tatou manatu faavae i aso nei o le Tina, Tama, ma le fanau. Ou te faaaogaina le faaupuga e pei ona faaaogaina e le Alii, o se upu e uiga tutusa mo le auaiga po o aiga i tupulaga e tele, aua e tofu tagata uma ma se aiga. O le fuafuaga a lo tatou Tama Faalelagi mo Lana fanau e totonugalemu i lenei ituiga o aiga—e i ai fanau e maua mai le malosiaga mai tuaa i le tele o augatupulaga ua tuanai ma matua o e saili e faamanuia a latou fanau mo tupulaga a sau."

O Elder Bradley D. Foster o le Fitugafulu, "Faapotopotoina, Faamaloloina, ma le Faamauna o Aiga," na tuuina mai i le Konafesi a le RootsTech o Talafaa-solopito o Aiga i le Aai o Sate Leki, luta, ISA, i le aso 14 o Fep., 2015.





## E MAFAI ONA E FAAMANUIAINA LOU AIGA I LE TELE O MATAFAIOI

Saunia e Sister Sharon Eubank, Fesoasoani  
Muamua i le Au Peresitene Aoao o le Aualofa  
Ua tumu tusitusiga paia i faataitaiga o alii  
ma tamaitai amiontonu o e na faia se ese-  
esega taua i olaga o lo latou aiga lautele.  
Na suia e Aperaamo le olaga o Lota i le  
avea ai ma se uso o lona tama. O Iosefa  
o Aikupito na laveaiina ona uso ma o  
latou aiga. I le avea ai ma tagata matutua,  
sa faamanuiaina e le auuso o Maria ma  
Mreta le tasi ma le isi ma lo la tuagane,  
o Lasalo. O Ruta, i le avea ai ma se af-  
fine faaletulafono, na lagolagoina Naomi  
ona faamanuiaina lea o ia e faavavau i le  
toe foi mai e ala i le fautuaga a Naomi. Sa  
lagolagoina e Elisapeta ma Maria le tasi ma  
le isi o ni tausoga e ala i luitau na siomia ai  
o la maitaga. E oo lava ia Sorama, o le sa le  
soo toto, o se lagolago faamaoni ia Nifae  
ma na vaetamaina ai o ia ma lana fanau e  
pei o se aiga moni. O lenei vaaiga e lautele  
atu o le aiga e matuai taua tele i le toatele  
o e e tele naua mea e ofo atu ae e lagona  
le vavaeeseina aua e le o i ai so latou aiga  
autu o le tama, tina, ma le fanau latou te  
mananao ai.

### SAILIILI ATILI

- Faitau pe na faapefea e se tasi o fesootaiga  
a se tamaitai i se tuaa e ala i talafaasolopito  
o aiga ona faamalosia ai o ia e ala i le "O  
Le Mana o le Faatuatua ma Tala o le Aiga,"  
*Liahona*, Sete. 2018, 36–39.

## 4. E mafai ona e faia se eseesega i le amataina po o le toefuataiga o se aiga e faavavau

'Ua mafai e sauniga paia ma feagaiga ua maua i malumalu  
paia ona toe foi atu ai tagata taitoatasi i le afioaga o le Atua  
ma toe faatasia ai aiga e faavavau." O le mea e faanoanoa  
ai, o nisi taimi e faamuta ai faaipoipoga, e malepelepe aiga,  
pe motusia foi sootaga i le filifili o se aiga e faavavau. E ala  
atu i nei "sauniga paia ma feagaiga," e mafai ai "e tagata tai-  
toatasi ona toe foi atu i le afioaga o le Atua" e tusa lava po  
o a o latou tulaga faaleaiga. Faatasi ai ma le fesoasoani a le  
Atua, o le faia ma le tausia o na feagaiga paia i le mea sili  
e te mafaia e mafai ai ona fesoasoani e te fatuina ai, lipea,  
pe faamalosia ai lou aiga, i faamoemoega e i ai se aso e toe  
faatasia ai i latou e faavavau.

### FAI LE MEA SILI E TE MAFIA; O LE A FAIA E LE ATUA MEA O TOTOE

"O la'u folafolaga ia te outou o se tasi o folafolaga na faia  
e se uso o le Korama a Aposetolo e Toasefululua ia te a'u i  
se tasi taimi. Sa ou fai atu ia te ia, ona o filifiliga na faia e  
nisi o le matou aiga lautele, ou te masalosalo ai pe mafai  
ona faatasia i matou i le lalolagi a sau. Sa ia fai mai, e  
pei ona ou manatuaina lelei ai, 'O loo e popole i se  
faafitauli sese. Tau lava o lou ola agavaa mo le malo  
selesitila, ma o le a sili atu le matagofie o faatulagaga  
o le aiga nai lo le mea e mafai ona e manatu i ai.'

Ou te talitonu o le a ia faalauetele mai lena faa-  
moemoe fiafia i soo se tasi o i tatou i le olaga faa-  
letino o ē ua faia mea uma e agavaa ai i tatou lava  
ma tagata o o tatou aiga mo le ola e faavavau.  
Ou te iloa o le fuafuaga a le Tama Faalelagi o se  
fuafuaga o le fiafia. Ou te molimau atu o Lana  
fuafuaga ua mafai ai mo i tatou taitoatasi o  
ē ua faia le mea sili tatou te mafaia ina ia  
faamauina ai i se aiga e faavavau."

Peresitene Henry B. Eyring, "O Se Aiga e Afio Ai le Agaga  
o le Alii" *Liahona*, Me 2019, 23.

## E MAFAI ONA AMATA (PE TOE AMATA FOI) IA TE OE!

"la te outou na lagona le lototiga ona o se tatalaga o se faaipoipoga i lou aiga pe sa e lagonaina le tiga i le solia o le faatuatua, faamolemole ia manatua e toe amata foi ia te oe! Atonu e tasi le sooga i le filifili o au augatupulaga ua motusia, ae o isi sooga amiontonu ma mea o totoe o le filifili e le faaitiitia le taua e faavavau. E mafai ona e faaopoopo i ai le malosi i lau filifili ma e masalo e oo lava i le fesoasoaniga e toe-fuatai mai sooga ua motusia. O lena galuega o le a faataunuina taitoatasi."

Elder David A. Bednar o le Korama a Apostolo e Toasefululu, "O se Sootaga Mau" (faigalotu i le lalolagi atoa mo le autalavou matutua, 10 Sete., 2017), [Faasalalauga.ChurchofJesusChrist.org](http://Faasalalauga.ChurchofJesusChrist.org).

## O le faaipoipoga o se faigapaaga e manaomia ai le faatuatua ma le tatalo

O le folafolaga i le aiga e faamautuina faapea o tane ma ava "e ao ona fesoasoani le tasi i le isi o se paaga tutusa." Ae o le avea ma paaga faamaoni i le faaipoipoga e mafai ona avea ma se luitau. O lo tatou tausiga, aganuu, aoaoga, tulaga tautupe, aafiaga, ma isi e mafai ona aafia ai le ala tatou te taulimaina ai sootaga ma le auala tatou te puleaina ai o tatou aiga. O loo aoao mai le folafolaga faapea "o faaipoipoga ma aiga manuia" ua faavaeina e ala i le faatuatua, tatalo, salamo, faamagaloga, faaaloalo, alofa, ma isi mataupu faavae a o tatou fefautuuaai ma galulue faatasi e taulima o tatou lava tulaga taitoatasi.

### O TANE MA AVA O NI PAAGA TUTUSA

"O tane ma ava o ni paaga tutusa. E eseese o la tiutetauave ae galulue faatasi. E mafai ona fanauina e le ava ni fanau, lea e manuia ai le aiga atoa. E mafai ona maua e le tane le perisitua, lea e manuia ai le aiga atoa. Ae i le aufono faaleaiga o ava ma tane, i le avea ai ma ni paaga tutusa, e faia ni faaiuga sili ona taua. La te filifili i auala e aoao ma aoai ai le fanau, o auala o le a faaaluina ai tipe, nofoaga o le a latou nonofo ai, ma le tele o isi faaiuga faaleaiga. O nei mea uma e faia faatasi pe a mae'a ona saili atu i le taitaiga mai le Alii. O le sini o se aiga e faavavau."

Elder Quentin L. Cook o le Korama a Apostolo e Toasefululu, "O le Alii o Lou Malamalama Ia," *Liahona*, Me 2015, 63.

## E TATAU ONA TATOU SAILIA LE TAITAIGA MO O TATOU LAVA TULAGA PATINO FAALEAIGA

"E i ai sa tatou mamanu paia e mulimuli ai e pei ona otooto mai i totonu 'O Le Aiga: O se Fola-folaga i le Lalolagi,' ae ua tatou iloa e mafai ona faigata le olaga faaletino. . . .

"O le taimi e te iloa ai le finagalo o le Alii, e mafai ai ona e agai i luma i le faatuatua e faataunu o outou faamoemoega taitoatasi. O se tasi o tuafafine e ono musuia e faaauau pea lana aoga ma auai i le aoaoga faafomai, ina ia mafai ai ona i ai sona aafiaga taua i ana tagata mamai ma faalautele ia suesuega i mea tau gasegase. Mo se isi tuafafine, o le musumusuga atonu e taitaiina ai o ia e faamatuu ese se sikolasipi i se aoga maoae ae amata vave loa se aiga ua le tusa ai ma le masani i lenei augatupulaga, ina ia maua ai sona aafiaga taua ma le faavavau i ana fanau i le taimi nei.

"Pe mafai e ni tamaitai se toalua e tali tutusa i lo la faatuatua ona maua ni tali eseese lava i ni fesili faavae e tutusa? Ioe! O le mea e sa'o mo le tasi tamaitai atonu e le sa'o mo le isi tamaitai. O le ala lea e taua tele ona le tatau ona tatou fesiliga filifiliga a tagata taitasi po o le musumusuga e mafua ai."

**Peresitene M. Russell Ballard, Sui Peresitene o le Korama a Apostolo e Toasefululu,, "Women of Dedication, Faith, Determination, and Action" (Brigham Young University Women's Conference, May 1, 2015), [womensconference.byu.edu](http://womensconference.byu.edu).**

### SUESUE ATILI

Aoao atili e uiga i mea e mafai ona tatou faia e faamalolosia ai o tatou aiga:

- Faitau pe matamata le "Lotogatasi i le Ausaina o le Galuega a le Atua," saunia e Jean B. Bingham, Aperila 2020 konafesi aoao.

## O le gafatia mo le tulaga faamatua o se vaega o le fuafuaga a le Atua mo le avea ai faapei o la

6. O se tasi o auala e mafai ona tatou avea atili ai e faapei o o tatou matua faalelagi o lo tatou oo atu lea o i tatou lava i le tulaga faamātua. 'O le uluai poloaiga na tuuina e le Atua ia Atamu ma Eva, e faatatau i lo la agavaa mo le tulaga faamātua, o se tane ma se ava.' E ui o le faaipoipo ma le mauaina o se fanau e le o taimi uma e ogatusa ai ma la tatou fuafuaga, ae e le faapea ai e le o se vaega o le fuafuaga a le Atua. Mo le toatele o i tatou, o le saunia i le faatuatua ma faatalitali i le Alii o se vaega taua o le avea ai e faapei o Ia.

### AUA LE FEFE I LE TULAGA FAAMĀTUA

"I nai tausaga ua mavae, na fesili mai ai se tasi o ma afafine talavou ua faaipoipo ma lana tane ia i ma'ua ma Sister Rasband se fesili taua tele, e uunaia ai le olaga: "O saogalemu lava ma atamai le aumaia o fanau i lenei lalolagi foliga leaga ma taufaafefe ua tatou ola ai?"

" . . . O la ma tali ia i laua o se ioe maumaututu, 'ioe, e sili atu nai lo le LELEI. ' . . .

" . . . Ioe, ua tatou ola i taimi faigata, ae pe a tatou tumau ai i luga o le ala o feagaiga, e le tatau ona tatou fefefe. Ou te faamanuiaina outou a o outou faia, o le a outou le atuatuvala i taimi ua tatou ola ai po o faafitauli e oo mai ia te outou."

**Elder Ronald A. Rasband o le Korama a Apostolo e Toasefululu, "Aua le Atuatuvala," *Liahona*, Nov. 2018, 18, 21.**



### O NISI TAIMI E TATAU ONA TATOU FAATALITALI I LE FAATUATUA

"Sei ou fai atu se upu e faamafanafana ai lagona . . . o i latou uma o e auai i lenei Eklesia. E toatele uso e faanoanoa ona e le i faamanuaina i latou i ni fanau. . . . la faamaoni, ma afai e le faamanuaina oe i ni fanau i lenei taimi, o le a faamanuaina oe i le lumanai."

Peresitene Brigham Young (1801 – 77), i le *Journal of Discourses*, 8:208.

### LĒ MAUAINA O NI FANAU MA LE MATOU AIGA FAALEUAROTA

Saunia e John McMullin, Alberta, Kanata  
Sa ma mananao lava ma lou toa-lua o Gennie, i taimi uma ia toa-tele ni tamaiti. I taimi uma lava. Ae ina ua mavae se tausaga o taumafaiga, sa ma mauaina le faauigaga faafomai mo le lē fanau.

I le taimi muamua, sa tele ni tatalo. O po uma lava ma te uulima ai ma ole atu i le Tama Faalelagi e faamanuia i maua i le tamaitiiti na ma saunia i ai i o ma olaga atoa. Sa ma anapopogi i masina taitasi, ma sili atu i nisi taimi. O masina uma lava ma te lei maitaga ai sa sili atu foi ona fai-

gata. E le gata ina leai se tamaitiiti mo i maua e alolofa i ai, ae na foliga mai sa leai se tali ia ma tatalo. Sa pei na faafofoga mai le Atua ia i maua o ole atu mo le mea sa ma mananao i ai i o ma olaga atoa, ma sa Ia tali mai leai.

Na amata ona ma fesiliglia lo ma agavaa. Sa faigofie ona talitonu sa Ia tausia Ana fanau agaga ina ia fananau mai i totonus o aiga e sili atu le faamaoni.

Sa amata ona faigata le auai i le lotu. Sa faigata ona faalogo atu pe na faapefea ona tali mai tatalo a isi, ma le tele o le alofa o le Tama Faalelagi ia i latou.

E lua mea na faaauau ai lava ona ma tumau.

Muamua, na ma osifeagaiga ma le Alii ma le tasi ma le isi ina ua faamauina i maua i le malumalu. Sa ma faatasi le tasi ma le isi, ma sa ma naunau ia faatasia i le taimi nei ma i le faavavau.





O le lona lua o le matou aiga faaleuaroa. Sa faamanuiaina i maua i le i ai o ni taitai sa masani lelei lava ma le lē fanau. Sa i ai se tuafafine a auauna a Gennie sa oo foi i le lē fanau ma na talanoa sa'o lava e uiga i faigata o le leai o se fanau i le lotu. Sa ma tauivi, ae sa ma iloa isi tagata o le matou nuu o le Ekalesia na tauivi foi faapea.

E le o tele pea ni a ma tali. E lei i ai lava se ma fanau, e tusa lava pe ua uma ona galulue ma ni polofesa faafomai. Ma te le iloa mafuaaga a le Tama Faalelagi, ae ona o loo i ai a ma feagaiga, ma ona e i ai se ma aiga faaleuarota na taliaina ma lagolagoina i maua, sa ma maua le taimi e atiina ae ai le onosai ma le faatuatua faateleina (tagai Eperu 12:12– 13).

Ua ma sagisagi atu i le avea ai ma ni matua. Ma a o ma faatalitali mo lena aso fiafia, ua i ai so ma nofoaga e avea ai ma ni ō o le Ekalesia.

#### SAILILI ATILI

- Aoao atili e uiga i le fuafuaina ma le saunia ina ia faia se aiga. Faitau le vaega a le autalavou matutua o le *Liahona* o luni 2019.
- Aoao pe na faapefea ona maua e se tasi ulugalii le filemu mai tala e uiga i le lē fanau i le Tusi Paia: asi-asi i le ChurchofJesusChrist.org/go/92020 (e aofia ai punaoa o le lagolago tautupe ma faaleagafesootai).

## 7. O le mana e foafoa ai le ola e tuuina mai ma leoleoina e le Atua

I le folafolaga, o Apostolo a le Alii ua “faamaonia le paia o le ola.” Ona e paia le ola, ua tuuina mai ai e le Atua ni polo-aiga e uiga i le tuuina atu ma le aveesea o le ola. O le auala tatou te faaaloalo ai i lena mana e i ai ni aafiaga loloto mo le lelei po o le leaga ia i tatou lava ma tagata.

### O LE ALOFA MOLITINO FEUSUAI E I AI SE FAAMOEMOEAGA PAIA

“O le sootaga vavalalata faaletino e le gata o se sootaga faafatusa i le va o se tane ma se ava—o le tuufatasiga tonu o o latou agaga—ae o se faatusa foi o se sootaga na tuuina atu i le va o i latou ma lo latou Tama oi le Lagi. . . .

“. . . I taimi faapena e le gata ina tatou faailoa atu Lona paia ae tatou te aumaia moni lava se mea o lena paia ia i tatou lava. O se tasi o vaega o lena paia na tuuina mai i le toetoe o alii ma tamaitai uma o le faaaogaina lea o Lona mana e foafoa ai . . . se tamaitiiti, o lau tama—ma ni mata ma taliga ma tamaivae ma se lumanaí o le mama e le mafaamatalaina. . . .

“. . . Ua tuuina mai ia te oe ma au se vaega o lena amioatua, *ae i lalo o ni tuutuuga e sili ona loloto ma paia*. *Na pau lava le pule ua tuuina mai ia i tatou o le loto pulefaaletagata*—o le loto pulea e fanau mai i le faaaloalo mo le mana paia o le faamanatuga o loo suitulaga i lenei meaalofa.”

Elder Jeffrey R. Holland o le Korama a Apostolo e Toasefululu, “Mama A'ia'i Faaletagata,” *Liahona*, Ian. 1999, 42.

### O LE FAALIOAGA TALAFEAGAI O SOOTAGA VAVALALATA FAALEFEUSUAIGA E AUMAIA AI FAAMANUIAGA E FAAVAVAU

‘O sootaga feusuai o “se tasi lea o faailoaga taua o lo tatou natura paia.’ O lo tatou faailoaga talafeagai o tulaga feusuai ua mafai ai ona toe faaali mai le fuafuaga a le Atua i le lalolagi ma i le faavavau, e agavaa ai i tatou ina ia avea e faapei o lo tatou Tama Faalelagi. Ua folafola mai

e le Atua le ola e faavavau mo e faamaoni o loo aofia ai le faaipoipoga e faavavau, fanau, ma isi faamanuiaga uma o se aiga e faavavau."

Elder Dale G. Renlund o le Korama a Apoetolo e Toasefululu ma Ruth Lybbert Renlund, "O Faamoemoega Paia o Tulaga Feusuai," *Liahona*, Aok. 2020, 14–15.

#### SAILILI ATILI

- I le *Liahona* o Aokuso 2020, aoao atili e uiga i le silafaga a le Atua i tulaga feusuai, e aofia ai ona faamoemoega paia, o lona atiina ae talafeagai, ma le auala e aoao atu ai i tamaiti.

## 8. O le tiutetauave o se matua na tuuina mai e le Atua

Ina ia fesoasoani ia i tatou ia avea faapei o Ia, ua tuuina mai ai e le Atua i le toatele o i tatou uma le avanoa ma le tiutetauave o le tulaga faamatu. Tatou te tali atu ia te Ia "mo le faataunuina o nei matafaioi." Ae e mafai foi ona tatou faalagolago i Lana fesoasoani i le sailia o le fiafia ma le manuia i le faaipoipoga ma le olaga faaleaiga a o tatou taumafai e tausia a tatou fanau i le alofa ma le amiontonu ma lagolagoina i latou i o latou luitau.

#### AISEA E TAU TELE AI LE MATAFAIOI A SE MATUA

"O o tatou tofiga e sili ona taua ma mamana, o totonu lava o le aiga. E taua ia tofiga aua e i ai i le aiga le avanoa i le amataga o le olaga o se tamaiti i faamausali ai lana tu i le ala e toe foi atu ai."

Peresitene Henry B. Eyring,  
"Fesoasoani ia i Latou i lo  
Latou Toe Foi Atu i le Aiga  
i le Lagi," *Liahona*, Me  
2010, 22–25.





### E MANAOPIA E LO TATOU AIGA LA TATOU LAGOLAGO

"O le mea moni, e leai se mea e sili atu ona fesootai i le fiafia—e le gata mo tatou ae faapea foi a tatou fanau—nai lo le lelei ona tatou alolofa ma felagolagomai le tasi i le isi i totonu o le aiga."

Peresitene M. Russell Ballard, "O Le Mea e Sili Ona Tausia ia Sili Atu Foi Ona Umi," *Liahona*, Nov. 2005, 43; faaopoopo le faamamafa.

### SAILIILI ATILI

- Saili atili e uiga i tulaga faamātua i le Church of Jesus Christ.org e ala i le alu i "Tusitusiga Paia ma Suesuega" ma filifili "Tulaga Faamātua" i le "Autu o le Talalelei."

### E FINAGALO LE ATUA IA TAUSIA LANA FANAU I LE ALOFA MA LE AMIOTONU

"O le faamalosia o le fanau ina ia tetee atu i le agasala o se galuega ma se faamanuiaga mo matua, matua matutua, tagata o aiga, fai-aoga, ma taitai. Tatou te tauaveina taitoatas i le tiutetatuave e fesoasoani atu. . . .

"O le auala e 'tausi a'e a [tatou] fanau i le malamalamā ma le upumoni' e ono avea ma se fesili tofotofo talu ai e patino mo aiga ma tamaiti taitoatas i, ae ua tuuina mai e le Tama Faalelagi ni taiala lautele o le a fesoasoani ia i tatou. O le a uunaia i tatou e le Agaga i auala sili ona lelei tatou te puipua ai faaleagaga a tatou fanau.

"Ina ia amata, e manaomia le mauaina o se faaaliga i le taua o lenei tiutetatuave. E ao ona tatou malamalamā i lo tatou—ma lo latou—faasinomaga ma faamoemoega paia ae tatou te lei fesoasoani atu ia tatou fanau ia iloa po o ai i latou ma pe aisea ua latou i ai iinei. E ao ona tatou fesoasoani ia latou iloa e aunoa ma le fesili o i latou o atalii ma afafine o se Tama Faalelagi alofa ma e i ai ni Ona faamoe-moega paia mo i latou. . . .

" . . . O le fesoasoani i fanau ia mafai ona tetee atu i le agasala o le amata aoao atu ma le alofa i latou i aoaoga faavae ma mataupu faavae autu o le talalelei ao laiti lava—mai tusitusiga paia, le Mataupu o le Faatuatua, le tamaitusi *Mo Le Malosi o le Autalavou* pese Peraimeri, viiga, ma a tatou lava molimau—lea o le a taitaiina atu fanau i le Faaola."

Sister Joy D. Jones, Peresitene Aoao o le Peraimeri, "O Se Tupulaga e Mafai Ona Tetee Atu i le Agasala," *Liahona*, Me 2017, 88.



## **9. E mafai ona tatou tutu atu mo le fuafuaga a le Atua mo Lona aiga**

Mai lava i le amataga o le lalolagi, ua avea ma a tatou matafaioi le faalauiloaina o le fuafuaga a le Tama mo Lona aiga ma puipuia mai le faamalepeina mai totonu ma osofaiga mai fafo. ‘Matou te valaaau atu i tamalii ma failauga ma taitai o malo i soo se mea ina ia faalauiloa atu na fua faataatau ua fuafuaina ina ia faatumauina ma faamalosia ai le aiga.’ Mala-malama pe aisea ma pe faapefēa ona taua.

### **O LE MAFUAAGA TATOU TE PUIPUIA AI FAAIPOIPOGA MA AIGA**

“O le galuega a Le Eklesia a lesu Keriso o le Au Paia o Aso e Gata Ai e matuai faatatau lava i le sauniaina o fanau a le Atua mo le malo selesitila, ma e sili ona faapitoa mo lona mamalu aupito mauluga, le faaeaga po o le ola e faavavau. O lena taunuuga aupito mauluga e na o le faaipoipoga mo le faavavau e ausia ai. O le ola e faavavau e aofia ai mana foafoa ia e avea ma se vaega taua i le tuufaatasiga o se alii ma se tamaitai—lea e faamatalaina e faaaliga i ona po nei o le ‘faaaauauina lea o fanau e faavavau ma faavavau lava.’

“I lana saunoaga i le autalavou matutua, na aoao mai ai Peresitene Nelson, “O le usitaia o tulafono a le Atua o le

a faatumauina ai lou saogalemu a o e agai atu i luma i le faaeaga mulimuli,” o lena mea, o le avea e pei o le Atua, faatasi ai ma se olaga faaeaina ma faamoemoega paia o o tatou Matua Faalelagi. O le tau-nuuga lena tatou te mananao i ai mo tagata uma tatou te alolofa i ai.”

Peresitene Dallin H. Oaks, Fesoasoani  
Muamua i le Au Peresitene Sili, “O Poloaiga  
Sili e Lua,” *Liahona*, Nov. 2019, 74

### **E MAFAI ONA TATOU PUIPUIA LE AIGA E AUNOA MA LE FAATIGA**

“Faalauiloa atu e tagata lotu o latou tulaga i tulaga lautele, e tatau ona latou onosai i taimi uma e uiga i manatu ma tulaga o i latou o e e le tutusa o tatou talitonuga. E

tatau i tagata lotu ona tautatala ma le alofa ma faaali atu le onosai, agaga malamalamā, ma le agalelei agai i o latou fili. Ua poloaiina tagata lotu Kerisiano ina ia alolofa atu i o latou tuaoi (tagai Luka 10:27) ma faamagalo atu (tagai Mataio 18:21–35). E tatau foi ona latou manatua aoaoga a le Faaola e “faamanua atu i e ua fetuu mai ia te i [latou], ia agalelei atu i e ua inoino mai ia te i [latou], ia tatalo foi mo e ua tuuaifua mai ma faasaua mai ia te i [latou]” (Mataio 5:44).

Peresitene Dallin H. Oaks, “Faapalenīna o le Upumoni ma le Faapalepale,” *Liahona*, Feb. 2013, 32.



### **SAILILI ATILI**

- Faitau e uiga i aafiaga o se tasi o ulugalii i le puipuia o le aiga i le “Sa Ma Tutu i Luma o le Palemene” i le lomiga a le komepiuta o le masina lenei.

# E Faapefea Ona Ou Talanoa i La'u Fanau e uiga i le Taua Uma o Tamaitai ma Alii?



*O le 25 tausaga talu ai i lenei masina, sa faasoa mai ai e se perofeta a le Atua le "O Le Aiga: O Se Folafolaga i le Lalolagi" i se Sauniga Aoao a le Aualofa i le Lalolagi Atoa. O ni nai mea taua nei ua tatou iloa mai i lena folafolaga.*

## O Upumoni e 5 e Talanoa i ai

- O i tatou taitoatasi o se atalii po o se afafine "o matua faalelagi." O lena upumoni e faamanatu mai ai ia i tatou o tamaitai ma alii o se vaega *tauā* o le fuafuaga o le fiafia.  
E mafai faapefea ona avea le lalolagi o se nofoaga e sili atu pe afai o alii ma tamaitai, teine ma tama, e faaaloalogia e le tasi le isi o ni tagata e tutusa le taua ma le manaomia?
- E tofu tamaitai ma alii ma se "taunuuga paia." O lona uiga, o tama ma teine e i ai le avanoa e ola ai i se aiga atoatoa faalelagi i se taimi. O a ni filifliga lelei o le a fesoasoani ia te oe e taunuua ai i lou taunuuga paia?
- O avā ma tane e tatau ona "alolofa ma tausi e le tasi le isi." O a nisi o auala e mafai ona e faata'ita'ia ai le alofa ma le manatu alofa mo isi?
- O tamā ma tina e mafai ona fesoasoani i o latou aiga i ni auala eseese, ae e tatau ona latou galulue faatasi o ni "paaga tutusa." O anafea na e vaai ai i alii ma tamaitai o galulue faatasi i le lotogatasi i se mea taua?
- E tatau i matua ona tausia a latou fanau "i le alofa ma le amiontonu." O a nisi o mea lelei ua e aoaoina mai se tina, tinamatua, po o se isi tamaitai? O a nisi mea lelei ua e aoaoina mai se tamā, tamamatua, po o se isi alii?



## Manatu e 4 mo Gaoioiga


- Sue ia meafaigaluega eseese e galulue faatasi e faia se mea. Mo se faataitaiga, o se naifi ma se tui e matua eseese lava, ae e mafai ona fesoasoani uma e taumafa ai. E eseese tamaitai ma alii, ae e taua uma i latou. Ma a oo ina latou galulue faatasi e mafai ona latou faia mea ofeofogia.
- Valivali ia itulau i le mekasini o le *Uo* o le masina lenei lea o loo faaalia ai tamaitai ma alii o loo fesoasoani e taitai le Ekalesia.
- Fai se sini e fesoasoani i lou aiga ia faaalia le faaaloalo sili atu ma le agalelei i alii ma tamaitai.
- Mafaufau i se tasi na te le iloa e taua i latou ma alofagia. E mafai faapefea ona e fesoasoani ia latou malamalama o i latou o se atalii/afafine pele o ni matua faalelagi? ■



### Punaoa Faaopoopo Aoga mo le Fanau

- "Manatu Lelei" (Sete. 2020 *Uo*)
- "Alolofa i O Tatou Aiga" (Sete. 2020 *Uo*)
- "O La'u Api o Tusigamanatu o le Konafesi Aoao" (Sete. 2020 *Uo*)
- "O Tamaitai O E Fesoasoani i le Taitaiga o le Ekalesia" (Sete. 2020 *Uo*)





*E mafai e lo tatou  
Tama Faalelagi ona  
faamalolo i tatou e  
ala ia tatou galuega  
o talafaasolopito  
o aiga ma le  
malumalu.*



**Saunia e  
Reyna I. Aburto.**  
Fesoasoani Lua i  
le Au Peresitene  
Aoao o le Aualofa

# O Vavega o le *Faamalologa e ala i Sauniga o le Malumalu*

**O**fanau uma a le Atua o e e tali atu mo a latou lava faaiuga---tusa lava po o le a le nofoaga, taimi, po o tulaga o latou ola ai pe sa ola ai---e ao ina mauaina le avanoa e faatino ai le faatuatua ia Iesu Keriso, e salamo ai, ma talia Lana talalelei, i itu uma o le veli. O fanau taitoatasi a le Atua e tofu manaomia se faamalologa faaleagaga ma i le avea ai o Ona soo ua valaauiina i tatou e fesoasoani ina ia mafai lena mea.

Ona o le taulaga togiola a le Faaola, o sauniga faaola o le malumalu ua mafai ai e i tatou ma o tatou augatuaa ona toefanauina, ia suia i se tulaga o le amiontonu, ia togiolaina i le Atua, ma avea o ni tagata fou (tagai Mosaea 27:25--26).

Na aoao mai Peresitene Russell M. Nelson: "O le malumalu o se faamoemoega lea o gaoioiga uma, lesona uma, ma laasaga uma e agai ai i luma i le Ekalesia. O a tatou taumafaiga uma i le talaiina atu o le talalelei, faaatoatoaina o le Au Paia, ma le faaolaina o e ua maliliu e tau atu i le malumalu paia. O sauniga o le malumalu

e matuai taua lava. E le mafai ona tatou toe foi atu i le mamalu o le Atua e aunoa ma na sauniga.”<sup>1</sup>

Ina ua muimui le au tusiupu ma le au Faresao e faasaga i Ona soo, sa tali atu Iesu Keriso ia i latou: “O e malolo e le aoga i ai le fomai; na o e mamai. Ou te lei sau e valaau i e ua amiontonu, a o e ua agasala, ina ia latou salamo” (Luka 5:31–32).

Sa tautino mai e Peresitene James E. Faust (1920–2007), le Fesoasoani Lua i le Au Peresitene Sili: “E tele auala ua saunia e le Alii e mafai ai ona tatou maua [Lana] faatosinaga faamalolo. . . . Ua [Ia] toefuataiina mai galuega faalemalumalu i le fogaelele. O se vaega taua o le galuega mo le faaolataga mo e o loo soifua ma e ua maliliu. O loo saunia e malumalu se faamalumaluga paia e tatou te o i ai e faamatuu atu ai popolega o le lalolagi. O o tatou malumalu o ni nofoaga o le filemu ma le toafimalie. I totolu o nei faamalumaluga paia o le Atua ‘e faamaloloina . . . e ua loto momomo, e fusifusi e ia o latou manua’ (Salamo 147:3).”<sup>2</sup>

A o matou femalagaa’i, matou te faalogo i tala o vavega o le faamalologa e tutupu i malumalu paia i soo se mea. Matou te faalogo i tagata faatuatua o le au paia o e o mai i le malumalu i pasi ma faaalu le aso atoa ma le po e faatino ai sauniga faaola mo o latou augatuaa. Matou te faalogo i autalavou tuuto e usupo i le malumalu a o lei amataina aoga e faatino ia papatisoga ma faamauga mo e ua maliliu, ma fesoasoani ai i itu eseese o na sauniga paia. Matou te faalogo i vaega o tamaitai talavou ma alii talavou o pueina pasi pe a tuua le aoga i se aso se tasi o vaiaso taitasi e ofo atu i o latou augatuaa le avanoa e toefanauina ai i la le agaga Matou te faalogo i aiga o folau i vaa mo le fia itula e o i le malumalu ina ia maua sauniga faaola i le malumalu mo i latou lava, ina ia mafai ai e ala i le Togiola a Iesu Keriso ona suia i latou i se tulaga o le amiontonu. Matou te faalogo i tagata taitasi o



O lo’u tinamatua o Isapela Blanco

*“O o tatou  
malumalu o ni  
nofoaga o le filemu  
ma le toafimalie.  
I totolu o nei  
faamalumaluga  
paia o le Atua  
‘na te faamaloloina  
ai le fatu  
nutimomoia,  
ma fusifusia o  
latou manua.”*

le au paia ma aiga o sueina igoa o tuaa pele i le Sapati, ona latou aveina lea o na igoa i le malumalu ina ia avatu ai i na tagata o aiga le avanoa e togolaina ai e le Atua. Matou te faalogo i na tama ma na teine ta’i 11-tausaga o e ua naunau e o mai i le malualu ma tutu ai i le faasitepu mulimuli o le vai papatiso ona o le loloto tele o le vai mo i latou—o na mea uma ina ia avatu ai i o latou tuaa le avanoa e avea ai ma tagata fou.

Afai tatou te mafaufau i ai, tatou te o mai uma lava i le malumalu ina ia faamaloloina ai faaleagaga ma avatu ai ia i latou o i le isi itu o le veli le avanoa ia faamalolo ai foi. Pe a oo i le faamalologa, tatou te matua manaomia lava le Faaola. O le a ou faapupula atua lena mea i le tala e uiga i o’u tuaa e toalua.

#### Faamaloloina o Lo’u Tinamatua ma [Lo’u] Tama

O lo’u tinamatua o Isapela Blanco na fanau i Potosi, Nicaragua. Ou te manatua, o ia o se tamaitai alofa, galue malosi, ma le faatuatua.

A o ou tuputupuae, sa ia totoina i si o'u fatu mu'amu'a le fatu o le faatuatua a o ou vaaia o ia o tatalo i le Atua ma le lotonaunau ma a o ia aveina au i le misisā i Aso Sa uma e tapuai ai ia Iesu. Peitai, sa lei faigofie lona olaga. I le tele o isi mea sa ia faia, a o talavou o ia, sa ia faigaluega o se teine teufale i se aiga maumea. O se tulaga faanoanoa e pei ona masani ai, sa maitaga o ia mai lona pule ma ina ua le mafai e ia ona toe natia lona ma'itaga, sa tuli o ia.

O lo'u tamā o Noeli, sa fanau mai i lena ma'itaga, ma e ui o Potosi o se taulaga itiiti ma o tagata uma, e aofia ai Noeli, sa iloa lona tamā, ae e lei i ai lava se fesootaiga po o se sootaga tuusa'o a Noeli ma ia.

Sa lei faaipoipo lava Isapela, ma e toalua isi ana fanau o le po. Ina ua mavae ni nai tausaga, sa masii atu o ia ma lana fanau e toatolu i le taulaga o le atunu, o Managua, e vaavaai ni avanoa sili atu mo galuega ma mo aoaoga.

I le taufaaiuiuga o lona talavou, sa amataina ai e Noeli se vaisū i le ava malosi. Sa mulimuli ane feiloi ma faaipoipo o ia i lo'u tina, o Delbi ma e toafa le la fanau. I le aluga o tausaga, o lona inuava na pagatia ai le la faaipoipoga ma ina ua masii atu i San Francisco,

*Tatou te o mai uma  
lava i le malumalu  
ina ia faamalolo-  
ina ai faaleagaga  
ma avatu ai ia i  
latou o i le isi itu  
o le veli le avanoa  
ia faamaloloina  
ai foi.*

Kalefonia, ISA, i le ta'i 50 o o la tausaga, sa tete'a i la'ua. E faanoanoa, ona sa maliu o ia i le pule i le ola i ni nai tausaga mulimuli ane.

Na avea i ma'ua ma lo'u tina o ni tagata o Le Ekalesia a Iesu Keriso o le Au Paia o Aso e Gata Ai i ni nai tausaga a o lei maliu lo'u tamā. I ni nai tausaga talu ona mavae lona maliu, sa faatinoina galuega sui uma o le malumalu mo ia, sei vagana ai le tasi: le sauniga o le faamauga. O le taimi lea, ou te lei maua le lototoa e fesili ai i lo'u tina pe manao e faamau ia te ia, ona sa ou iloaina le faigata tele o la la'ua mafutaga.

Ona tupu lea o se vavega. Sa fai se miti a lo'u tina lea na ia vaai ai i lana tane, o Noeli, i fafo o le faitotoa o le umukuka i lo la fale i Managua, o faaloloa atu lona lima ia te ia ma valaaulia o ia e alu atu ia te ia. Sa ala a'e o ia ma se faalogona manaia i lona loto. E lei leva ona mavae atu lena, ae ia valaau mai ia te au i se tasi aso ma faapea mai ma le toafimalie, "O le a ou faamau i lou tama i le Aso Toonai nei. E mafai ona e sau pe a e manao ai."

Sa ou tali atu ma le fafia, "Ua lelei, ou te fia i ai iina!" Ina ua uma le ma talanoaga i le telefon, sa ou iloaina ma le fafia e mafai foi ona faamauina a'u ia i la'ua.

I se taeao mamalu o le Aso Toonai, sa matou tootutuli ai ma lo'u tina, o lo'u toalua, i se fatafitaaulaga i se malumalu paia ma faatino ia sauniga sui ma mo e ola mo le faamauga, lea na maua ai e o'u matua le avanoa e faatasia ai e faavavau. Sa i ai foi la'u tama tama iina e sui i lo'u tuagane, o lē na maliu i ni tausaga ua mavae. I lena taimi paia, sa galo ai tiga ma faanoanoaga uma. Sa matou taufai lagonaina le pulupasama o le faamalologa filemu ua ofoina mai e lo tatou Faaola, o Iesu Keriso, e ala i Lana Togiola, i itu uma o le veli.

I le tele o tausaga mulimuli ane, sa ou faia ai se miti lea na ou vaai ai i lo'u tamā i se mea sa foliga mai o se pulelaa i se tasi o o tatou maota tapuai. Sa fai lona ofutino paepae ma se fusiu, ma sa ia tuuina mai se savali musuia. I la'u miti, sa mafai ona ou vaaia o ia o se taitai maoae o le Ekalesia. Ou te le iloa tonu po o le a le uiga o le miti, ae na ou maua ai le faamoemoe atonu ua ia talia le talalelei a Iesu Keriso i le lalolagi o agaga.

I se isi itu, sa matou faatinoina foi galuega o le malumalu mo lo'u tinamatua, o Isapela, sei vagana ai le sauniga o le faamauga i le toalua ona sa lei faaipoipo o ia i lona olaga. Sei mafaufau la i le mea lenei, o se tamaitai e pei o Isapela, sa lei taulimaina ma le faaaloalo e alii ma sa feagai ma le tele o faigata i lona olaga, e mafai ona avatu i ai le avanoa



O o'u matua, o Noeli ma Delbi Blanco



*Ona o le taulaga  
togiola a le Faa-  
ola, o sauniga  
faaola o le malu-  
malu ua mafai  
ai e i tatou ma o  
tatou augatuaa  
ona toefanauina.*

i le isi itu o le veli e faaaoga ai lana filifiliga sao-  
loto ma osia ai feagaiga paia ma le Atua e ala i  
sauniga sui i le malumalu. O ia, e faapei foi o i  
tatou uma, e manaomia le faatuatua faateleina,  
e manaomia le salamo, e manaomia le alofa, e  
manaomia le faapaiaina--a faapuupuu, e manoa-  
mia le faamalologa.

Pe a toe tepa nei i tua, e mafai ona ou vaai  
atu e ui ina sa faigata le olaga faatamaititi o  
Noeli ma se vaisū faataumaoia, sa malosi atu  
lona alofa i lana fanau nai lo ona vaivaiga. O  
taimi matou te mafuta ai, e vaaia ai ona uiga

auaumama aupito sili. Sa agalelei e le aunoa o ia ia i matou, ma ou te  
le manatuaina e oo lava pe tasi se taimi, faapea na mateletele ai i lana  
fanau. Ona e alofa mutimutivale le Atua, na tuuina atu ai foi ia Noeli  
o avanoa e faatino ai lona faatuatua, e salamo ai, ma talia ai Iesu Keriso  
o lona Togiola e ala i sauniga faaola e faia i le malumalu paia. O Noeli,  
e pei foi o i tatou uma lava, e manaomia le faamalologa.

Ua na o le lua o nei faataitaiga o faamanuiaga e faavavau o le faa-  
malologa o loo ofoina mai i tagata taitoatasi ma aiga i malumalu uma  
o le Alii i le salafa o le lalolagi. E pei ona sa aoao mai e Peresitene  
Nelson, “Tatou te valaaulaina fanau uma a le Atua i itu uma e lua o le  
veli ia o mai i lo latou Faaola, maua faamanuiaga o le malumalu paia,  
maua le olioli tumau, ma agavaa mo le ola e faavavau.”<sup>3</sup>

Pe a ou mafaufau i mea uma na manaomia ona tutupu mo Isapela  
ma Noeli ia maua ai lena meaalofa e faavavau, ua ou iloa ai o se  
vavega lava e mafai e le Tama Faalelagi alofa ma se Faaola o lē e alofa  
ia i tatou i le alofa atoatoa, ma o lē ua valaauiina i tatou taitoatasi e  
fesoasoani i le galuega ma le mamalu o le Atua.

I le saunoa ai e uiga i le faapotopotoina o Israelu, na ta'ua ai e  
Peresitene Nelson: “O tagata uma o fanau a lo tatou Tama Faalelagi,  
i itu uma o le veli, e tatau ona faalogo i le savali o le talalelei toefuatai-  
ina a Iesu Keriso. Latou te filifili mo i latou lava pe latou te mananao e  
iloa atili.” Ona ia faamalamalama mai lea: “*Soo se taimi* e te faia ai *soo*  
*se mea* e fesoasoani ai i *soo se tasi*—po o le fea lava le itu o le veli—ua  
laa agai i luma i le osia o feagaiga ma le Atua ma maua o latou sauniga  
e tatau ai o le papatisoga ma le malumalu, ua e fesoasoani e faapoto-  
poto Israelu. E faigofie lava.”<sup>4</sup>

Ou te iloa pe ua talia e lo'u tinamatua o Isapela, lo'u tama, o  
Noeli, ma isi uma o ou tuaa na matou faia galuega i le malumalu le  
talalelei a Iesu Keriso i le lalolagi o agaga. Peitai, e mafai ona ou maua  
le faamoemoe, e mafai ona faaaoga lo'u faatuatua, e mafai ona ou osia  
ma tausia feagaiga ma le Atua, ma e mafai ona ou ola i lo'u olaga i se

ala o le a mafai ai ona ou toe mafuta ma ou augatuaa “i se tulaga o le fiafia lea e leai se mutaaga” (Mamona 7:7).

Ma a ou oo atu i le isi itu o le veli, afai latou te lei talaina lava le talalelei a Iesu Keriso, o le a ou faamautinoa ou te aoaoina atu ia te i latou! Ou te naunau e tuu atu ia i latou se opo, ma ta’u atu ia te i latou le tele o lo’u alofa ia i latou, ia faia ni a matou talatalanoaga mai le loto-i-le-loto lea sa le mafai ona ou maua a o soifua i latou, ma ou molimau atu ia te i latou “o Iesu o le Keriso, o le Atua e Faavavau.”<sup>5</sup>

## O Le Mana e Faamalolo Ai

O nisi taimi, o le alii po o le tamaitai natura o i totonu ia i tatou e afua ai ona tatou mafaufau na valaaicina i tatou e “faalelei” isi tagata. E lei valaaicina i tatou o ni “tagata faalelei” o isi, ma e lei valaaicina foi i tatou e lauga pe faatauem. Na valaaicina i tatou e musuia, e siitia, pe valaaulia isi, e avea ma faifaiva i tagata, faifaiva i agaga ina ia latou maua le avanoa e faamaloloina ai faaleagaga e Iesu Keriso, lo tatou Faaola ma le Togiola.

I le Isaia 61, tatou te faitau ai i afioga a le Alii, ia foi na Ia sii maia ina ua amata Lana galuega i Ierusalem (tagai Luka 4:18–19). Sa Ia tautino mai:

“Ua i o’u luga le Agaga o le Alii o Ieova; auua ua faauuina au e Ieova e talai le tala lelei i e ua tigaina; ua ia auina mai au e fufusi i e loto momomo, e talai le saolotga i le tafeaga, ma le matua tatalaina oe ua fusifusia;

“E talai le tausaga e talileleia mai ai e Ieova, ma le aso e taui ai ma sui e lo tatou Atua; e faamatalaloto i e faanoanoa uma lava;

“E avatu le fiafia i e faanoanoa i Siona, e foaiina atu ia i latou le matagofie e sui a’i le lefulefu, o le uu o le olioli e sui a’i le faanoanoa, o le ofu e fai a’i viiga e sui a’i le loto faavaivai; e igoa i latou, o laau o le amiontonu, o le faatoaga a Ieova, e fai mona viiga.

“Latou te atiina ae foi mea na faatafunaina mai le vavau; latou te faatuina mea na faatuufuaina anamua” (Isaia 61:1–4).

Na aoao mai e Elder Dale G. Renlund: “O talafaasolopito o aiga ma galuega o le malumalu ua maua ai le mana e faamalolo ai vaega ua [manaomia] ona faamaloloina. . . O le Atua, i Lona malosiaga lema-fuatia, e faamauina ma faamaloloina tagata taitoatasi ma aiga e ui i faalavelave, maliu, ma faigata.”<sup>6</sup>

Na aoao mai e Peresitene Nelson e faapea, “o le mana moni e faamaloloina ai . . . o se meaalofa mai le Atua”<sup>7</sup> ma sa faamalamalama mai ai foi o le “toetu o le faatinoga faatumutumu a le Alii o le faamalolo. Faafetai ia te Ia, o le a toefuataia tino taitasi i o latou autino tatau ai ma atoatoa. Faafetai ia te Ia, e leai se tuutuuga e leai se faamoemoe. Faafetai ia te Ia, o i luma aso sili ona susulu, iinei ma le olaga a sau.

O loo faatalitali mai le olioli moni o i tatou taitoatasi—i le isi itu o le faanoanoa.”<sup>8</sup>

Ou te molimau atu e alofa lo tatou Tama Faalelagi ia i tatou taitoatasi o lea ua Ia saunia ai “se ala”<sup>9</sup> ina ia mafai ai e i tatou taitoatasi ona faamaloloina faaletino ma faaleagaga a o tatou faaaoga le faatuatua ia Iesu Keriso, osia ma tausia feagaiga ma le Atua ma mulimuli i Ana poloaiga. Ou te molimau atu na afio mai Keriso i le lalolagi “e faamalolo i e loto momomo, e talai le saolotga i le tafeaga” (Luka 4:18) ina ia mafai e i tatou uma ona “paia e aunoa ma se ila” (Moronae 10:33). ■

*Mai se saunoaga na tuuina atu i peresitene o malumalu ma faatina i le aso 17 o Oketopa, 2019.*

## FAAMATALAGA

1. Russell M. Nelson, “Ia Saunia mo Faamanuiaga o le Malumalu,” *Liahona*, Oke. 2010, 41.
2. James E. Faust, “Faamalologa Faaleagaga,” *Liahona*, Iulai 1992, 7.
3. Russell M. Nelson, “Faamalosi Ia i le Galuega Nei,” *Liahona*, Me 2018, 118–19.
4. Tagai Russell M. Nelson, “Faamoemoe o Israaelu” (faigalotu a le autalavou i le lalolagi atoa, 3 Iuni, 2018), *HopeofIsrael.ChurchofJesusChrist.org*.
5. Itulau autu o le Tusi a Mamona.
6. Dale G. Renlund, “Galuega o Talafaasolopito o Aiga ma le Malumalu: Faamauga ma le Faamalologa,” *Liahona*, Me 2018, 46, 48.
7. Russell M. Nelson, i le Sheri Dew, *Insights from a Prophet’s Life: Russell M. Nelson*, 150.
8. Russell M. Nelson, “Iesu Keriso—o le Matai Faamalolo,” *Liahona*, Nov. 2005, 86.
9. Tagai Isaia 42:16; 51:10; 1 Nifae 3:7; 9:6; 17:41; 22:20; 2 Nifae 8:10; 9:10; Eteru 12:8; Mataupu Faavae ma Feagaiga 132:50.



## Musumusuga ma le *Sau, Mulimuli Mai ia te A'u*

Saimar Karina Romay De Rojas, Itumalo o Guayas, Ekuatoa

*A o tapenapena se lesona mo tamaitai talavou,  
sa tonu ia te au e faataitai se mea fou.*

**S**a faatopetope ona ou autilo i itulau o le lesona a Tamaitai Talavou sa tuu ou te faia i le Aso Sa e sosoo ai. O upusii a le Pulega Aoao sa aofia ai e taua ma talafeagai, ae ua leva.

Mo se faataitaiga, o Peresitene Spencer W. Kimball (1895–1985) o le Peresitene o le Ekalesia i le vaitaimi na ou papatiso ai. Sa ou faatauaina ana saunoaga, ia sa tumu ai le tusi lesona, ae sa ou popole o le a le fesootai ia tamaitai talavou i upu a taitai sa latou le iloaina.

Sa ou tatalo mo se taitaiga ma sa uunaia au e faataitai se mea fou. Sa ou faafoua nisi o tala ma faaaofia ai upusii mai le konafesi aoao aupito lata mai, ma sii mai ai Peresitene Thomas S. Monson (1927–2018). Sa lofituina tau-nuuga. Sa faapitoa se matou lesona ma le tele o le auai e fefaasoai. Mai lena taimi, sa ou faaaogaina le tusi lesona o se taiala e tapenapena ai a'u lesona.

O na tapenaga e manaomia ai galuega faaopoopo. E tatau ona ou suesue atili, e tatau ona ou iloaina atili ia tamaitai talavou, ma e tatau ona ou mafaufau e uiga i o latou aafiaga. Ona ou vaavaai ai lea mo faataitaiga ma upu mai taitai o soifua o le Ekalesia e mafai ona ou faaaogaina e faatatau ai tala i o latou olaga. Sa ou fafia e alu i se maila faaopoopo mo tamaitai talavou ona o lo'u alofa mo i latou.

Sa oo ina matauina e o'u taitai le mea sa ou faia. Sa ou popole nei o latou otegiaina a'u i le faatautee, ae sa latou uunaia au e faaauau pea.

I ni nai vaiaso a o loma le faaiuga o le 2012, sa faatonuina ai taitai o le autalavou i la matou siteki e auai i se fonotaga faaleaoaoga lea na folasia mai ai e taitai o le siteki se mataupu fou e aoaoina mo le autalavou e igoa o le *Sau, Mulimuli Mai ia te A'u*.

Sa ou tau le talitonu i le mea na ou faalogoina. Sa faamalamalama mai e taitai o le siteki e faapea, e tatau ona matou aoao atu e faapei ona sa aoao mai le Faaola, saili musumusuga mo a matou lesona mai perofeta soifua ma aposetolo, ma ia iloa atili a tatou autalavou. Ua uma ona i ai sa'u molimau o na mea.

Sa fai fesili a isi pe faapefeea ona saunia lesona, ae mo a'u, sa matuai manino lelei lea faiga fou. Sa ou lagonaina o le *Sau, Mulimuli Mai ia te A'u* o se tali mai le Alii ou te lei faatautee. Sa ou lagonaina sa Ia saunia a'u e aoao atu lenei mataupu aoaoina fou. Ou te iloa afai tatou te lotomaualalo ma maelega ma faalogo i le Agaga Paia, o le a tatou ogatusa ma suiga uma e fofogaina mai e o tatou perofeta ma aposetolo. ■

# O Se Tusi na Tali Mai ae e Lei Auina Atu

Elisabeth Allen, Iuta, ISA

*Sa ou matauina le tusi i totonu o le ato o a'u tusitusiga paia  
ma tatalaina loa. Sa ou matua fiafia ou te lei lafoina!*

**S**a fanauina e o'u matua lelei ni Atalii se to'afa ma a'u, le la afafine e toatasi, i lo la aiga i se faasologa vavalalata tele. Sa matou felata'i e le aunoa i le fatu o le tasi ma le isi e sili atu nai lo o matou tausaga. Matou te felagolagoma'i ma e tele manatuaga taula o o matou taimi sa faaaluina faatasi. Sa avea pea lava i matou o ni u lelei tele!

O le mea lena na ou lagonaina ai le lotomomomo ina ua filifili se tasi o o'u tuagane e faamuta lona ola. Sa ou popole ne'i le mafai e lo'u fatu ona tatalia le tiga---o le *tiga* e lē o le upu sa'o lea. E leai se upu e lava lona malosi e faamatala ai le aafiaga matautia o le oti o sē e pele i le pule i le ola. E matuai suia atoa ai lou lalolagi.

Sa ou faalagolago i le Alii e fesoasoani mai ia te au e tausia lo'u aiga ma faafetaia'ia isi a'u tautinoga a o ou feagai ai ma fesili ua oi ai le agaga e uiga i lo'u tuagane ma lona maliu.

Ina ua ou ole atu i le Alii mo se fesoasoani, sa uunaia a'u e tusi a'u fesili i se tusi i le perofeta. Sa ou talitonu moni o a'u fesili sa matuai tetele ma loloto ua na o se perofeta e mafai ona taliina, ae sa ou iloaina atonu sa lei tatau ona auina atu i le perofeta se tusi. Sa ou faatuatui ae i lena taimi

sa ou tomanatu ai i le faamanuiaina na ou maua a o ou galue i ni uunaiga ua mavae.

Sa ou tusia loa se tusi ma loimata ia Peresitene Russell M. Nelson. Sa ou tusi e uiga i o'u lagona ma pe faapefea ona ou agai i luma pe afai ia tau lava ina ou iloa tali i fesili o loo taavili i lo'u mafaufau. Sa ou faaiuina la'u tusi, tuu i totonu o se teutusi ma faatuatusi ia Peresitene Nelson, ma momono i totonu o le ato o a'u tusitusiga paia.

Sa galo ia te a'u le tusi. Sa ou matauina le tusi i totonu o le ato o a'u tusitusiga paia i se taimi mulimuli ane, ma sa ou tatalaina. A o ou faiatua le tusi, sa ou iloa ai e ala i le faatuatua ma a'u lava suesuega o tusitusiga paia, tatalo, alu i le malualu, ma le onosai, sa taitai ai a'u e le Agaga Paia i tali i fesili taitasi sa ou tusia i lalo! Sa ou lagonaina le latalata i le Faaola ma Lona alofa.

Sa ou matua fiafia ou te lei lafoina le tusi! Nai lo lena, sa

ou maua ni aafiaga taura na toe aoao-inia ai a'u e faapelepeleina a'u e le Alii ma Ana fanau uma taitoatasi, ma o le a Ia tatalaina ma taitaia i tatou.

Sa ou talitonu i se taimi e faapea, sa matuā lavelave a'u fesili ma e na o se perofeta e mafai ona taliina, ae ua oo ina ou iloaina mo a'u lava le moni o afioga a le Faaola: "Ou te le tuua outou o matuaoti, ou te sau ia te outou" (Ioane 14:18). ■



# O Le Toe Malosi o Lo'u Tuagane ma le Alofa o le Tama Faalelagi

Makarena Molina, Viña del Mar, Chile

*Ina ua mavae le faalavelave na tupu i lo'u tuagane,  
sa oo ina ou iloaina e i ai so'u Tama e alofa ia te au.*

**O**lo'u tuagane, o Yerko, sa 19 ona tausaga ina ua so'a e se avetaavale onā. O le mea e laki ai, o le uo a Yerko na ave lana kosi o le fesoasoani muamua i le lua vaiaso i luma mai. Sa ia faatumauina le ola o lo'u tuagane seja taunu mai le vaega mo faalavelave faafuasei e ave o ia i le falemai.

O le tele o falemai i le lotoifale e na o le tasi le fomai o neura e tiute, ae ina ua taunu atu Yerko, sa i ai se vaega o fomai o neura sa potopoto mo se fonotaga faapitoa. Sa latou taufai galalue uma loa ia te ia.

E ono masina na nofo ai Yerko i le falemai, o le tolu o na masina sa ia le iloa se mea. A o i ai o ia iiina, sa nofo ai lo'u tina e vaai o ia mai le 7:00 i le taeao seja oo i le 7:00 i le po i aso uma. Sa tatalo ma anapopogi tagata o le uarota ma le siteki mo Yerko ma sa tuuina atu ia te ia ni faamanuiaga faaleperisitua. Na tali mai a matou

tatalo i le aso 1 o Ianuari, 2011 in aua ala mai o ia. Sa faaauau pea ona asiisi atu tagata o le au paia ia Yerko ma fesoasoani mai ia i matou i le vaaiga o ia ao faasolosolo ina malosi i le falemai. Sa pei i latou o ni agelu i lena taimi faigata.

O le taimi nei, o loo i ai pea lava ni nai faaletonu faaletino o Yerko, e aofia ai ma le puupuu o lona manatua. Ae ua savali o ia, ma e mafai ona ia faia ni talatalanoaga masani. E faigatai ona talitonu i ai fomai.

Sa ou i ai i Tamaitai Talavou i le taimi na tupu ai le faalavelave ia Yerko. O vaiaso taitasi ou te taulotolina ai le, "O i matou o afafine o lo matou Tama Faalelagi, o le e alofa ia i matou," ae ou te lei malamalamonni i le taua o upu. Ina ua mavae le faalavelave, sa oo ina ou iloaina e i ai so'u Tama e alofa ia te au.

O le malumalu o se faailoaga o lena alofa. Sa faamauina ma'ua ma

Yerkoi o ma matua, o lea sa ou iloa ai afai e maliu lo'u tuagane, o le a ma toe faatasi lava ma ia. O se faamafanaga tele lea mo lo'u aiga ma a'u.

E lei pine ona mavae le faalavelave, ae ta'u mai e fomai ia i matou o le a na o ni nai itula e ola ai Yerko, ma sa ou tatalo faatauanau i le Tama Faalelagi e laveai o ia. Ina ua ola Yerko, sa ou manao e auauna atu i se misiona e faasoaa atu ai i isi ia vavega sa matou oo i ai.

O le tala i le toe malosi o lo'u tuagane o se faamanuiaga mo le tele o tagata sa ou aoaoina o se faifeautalai i Peru. A o ou faasoaina atu o matou aafiaga, aemaise i tagata e feagai ma tulaga faigata, sa tuia o latou loto.

E tele ina tatou taumanatunatu pe aisea e tutupu ai mea faigata, ae a tatou faalagolago i le alofa o lo tatou Tama Faalelagi, tatou te iloa ai e iu lava ina galalue faatasi mea uma mo lo tatou lelei (tagai Roma 8:28). ■



# O Lo'u Atalii, o le Tusi a Mamona, ma A'u

Anne Maxson, Idaho, ISA

*E faapei lava ona sa auauna atu le Faaola ma aoao  
atu taitoatasi i le taimi, o loo fesoasoani foi o Ia ia i  
tatou e aoao atu a tatou fanau taitoatasi i le taimi.*


Se tasi aso sa ou matamata ai i se faatalanoaga ma Brother Tad R. Callister, sa avea i lena taimi ma Peresitene Aoao o le Aoga Sa. Ao fai a'u tusigamanatu, sa ou maua se uunaiga i le ala e faaleleia ai le ma sootaga ma la'u tama, o Ioane. Sa uunaia au e tatau ona ma faitauina faatasi le Tusi a Mamona atoa a o lei oo i lona papatisoga i le ono masina mulimuli ane.

Sa matuai manino lelei lea uunaiga ma sa ou iloaina le potu e tatau ona ma faitauina ai ma le taimi e tatau ona ma faitau ai. Sa ou lagonaina foi se uunaiga iloga e tatau ona faamaea le ma faitauga i lotoa o le Malumalu o Meridian Idaho.

A o ma faavanoaina se taimi e faitau ai o le-tasi-ma-le isi i po taitasi, sa faasuamalieina le ma sootaga. Sa tele atu lo ma onosai o le tasi mo le isi, sa sili atu lo ma malamalama mo manatu o le tasi ma le isi, ma sa ma lagonaina e le aunoa le faatasi mai o le Agaga Paia.

O le po a o loma lo ma faaumaina o le tusi, na ma faitau ai i le folafolaga a Moronae e faapea afai tatou te ole atu i le Atua ma se loto faamaoni, manatu moni, ma le faatuatua ia Keriso, pe moni le Tusi a Mamona, o le a tatou iloa le moni e ala i le mana o le Agaga Paia (tagai Moronae 10:4–5). Na ma lagonaina le faamautuuga e moni le Tusi a Mamona, o Iosefa Samita o se perofeta a le Atua, ma o Le Ekalesia a Iesu Keriso o le Au Paia o Aso e Gata Ai o le malo o le Atua i le lalolagi.

O le aso na sosoo ai, sa ma saofafai ai i luga o se nofoa i lotoa o le malumalu. Sa ma vaavaai ae i le faatagata o le agelu o Moronae ma toe faitau lana molimau faaiu. Talu



mai lena aso, e tele taimi sa ta'ua ai e Ioane le taimi sa ma faitauina faatasi ai le Tusi a Maona i le malumalu. O lenei, o taimi uma ou te alu ai i le malumalu, ou te vaai ai i le nofoa umi ma tomanatu ai i le taimi faapitoa sa ma maua ma Ioane ina ua maea la ma sini musuia.

Na saunoa Peresitene Henry B Eyring, le Fesoasoani Lua i le Au Peresitene Sili, "O le matua poto o le a vaai atu o le avanoa o loo taoto i le taitaiina o tamaiti taitoatasi, ma i latou lava, ia talia atoatoa atili le valaaulia a le Alii ia o mai ia te Ia."<sup>1</sup>

Ou te manatu e i ai le ttau i le fasifuitau "tamaiti tai-toatasi." E faapei lava ina sa auauna atu le Faaola ma aoao atu taitoatasi i le taimi, o loo fesoasoani foi o Ia ia i tatou e aoao atu a tatou fanau taitoatasi i le taimi.

O le taitaiga faaleagaga na ou mauaina e faitau faatasi ma Ioane na faaali mai ai ia te au e sili atu le silafia e le Alii o la'u fanau nai lo lo'u iloa. Ou te iloa afai ou te faa-logo ma mulimuli i Ana fautuaga, o le a Ia tuu mai ia te au le taitaiga i le ala e mafai ona ou fesoasoani ai e toe taitai ma taiala ai la'u fanau taitoatasi ia te Ia. ■

## FAAMATALAGA

1. Henry B. Eyring, "O Se Aiga e Afio Ai le Agaga o le Alii" *Liahona*, Me 2019, 23.



## Helamana 13–16

31 AOKUSO–6 SETEMA

# E mafai faapefea ona ou lagolagoina le perofeta?

**O** Samuelu le sa Lamana o se perofeta sa tala'i atu ia sa Nifae. E toatele sa teena o ia, ae e toaitiiti sa faalogo ma talitonu i ana aoaoga musuia. I le taimi o le konafesi aoao ma i isi taimi, tatou te maua ai le avanoa e faalogologo ai ma lagolagoina Peresitene Russell M. Nelson, le perofeta o o tatou taimi.

A o e faiatua e uiga ia Samuelu le sa Lamana, mafaufau i ni auala e mafai ona e lagolagoina ai le perofeta i ona po nei i upu ma galuega.

### FAAMATALAGA

- Russell M. Nelson, "The Love and Laws of God" [faigalotu a le Iunivesite o Polika Iaga, 17 Sete. 2019], 3, speeches.bry.edu



### Faatonuga mo o Tatou Taimi

I ona po o Samuelu, sa amioleaga sa Nifae, o lea sa valaaulia ai e Samuelu ia tagata ia salamo. Sa ia molimau atu foi i le soifua mai o Iesu Keriso ma lapataia e uiga i le matautia o le agasala (tagai Helamana 14:11–12). O a isi mataupu faavae na aoao atu e Samuelu? O le a se mea na aoao mai e Peresitene Nelson i o tatou taimi?

### E Lē Faatatau i le Lauiloa

O le toatele o tagata sa feitai i aoaoga a Samuelu, ma sa latou osofaia o ia i maa ma aū. Sa ta'u atu e Samuelu e faapea, sa na ona latou naunau e mulimuli ia i latou o e fai mai e leai ni taunuuga o le agasala (tagai Helamana 13:25–27).

I o tatou taimi, sa saunoa Peresitene Nelson, "O perofeta e seāseā lava lauiloa."<sup>1</sup> E mafai faapefea ona tatou aloese mai le faaaogaina o "maa" ma "aū" o loo faaaoga e tagata i perofeta i aso nei?

### Pe o le a e Faalogo?

E ui ina toatele tagata sa teena ia Samuelu, ae sa talia e nisi lana savali. Ona latou faatinoina lea o ana upu e ala i le salamo ma papatisoina. O le a se mea e mafai ona e faia ia le gata ina faalogo ae faatinoina foi aoaoga a o tatou perofeta ma apostolo o aso e gata ai?



## 3 Nifae 1–7

7–13 SETEMA

**S**a maofa sa Nifae i le faataunuuga o le valoaga a Samuelu le sa Lamana e uiga i le soifua mai o Keriso ina ua latou vaai i se po ma se ao e leai se pogisa (tagai 3 Nifae 1:15–21). Ae paga, i nai tausaga mulimuli ane, “sa amata ona galo i tagata na faaaliga ma mea ofoofo-gia” (3 Nifae 2:1) ma liliu atu i le amioleaga.

### TALANOAGA

O a nisi auala e mafai ona tatou aloese ai mai le faagaloina o aafiaga faaleagaga “e le mafaaga-loina” i o tatou olaga?

O a ni aafiaga faale-agaga na outou mauaina? Fuafua e tusi i lalo. E mafai foi ona e faasoa atu i lou aiga.

### FAAMATALAGA

- Ronald A. Rasband, “Ne’i Galo ia te Oe,” *Liahona*, Nov. 2016, 115.

# E mafai faapefea ona tatou le faagaloina aafiaga faaleagaga?

### Na Faapefea ona Vave Tele ona Galo ia Sa Nifae?

E i ai ni mafuaaga na galo ai ia sa Nifae ia faailoga ma mea ofoofofogia sa latou molimauina. Faitau le 3 Nifae 1:22 ma le 3 Nifae 2:1–3, 10 ma lisi ia ala na galo ai i tagata le Alii.

E faapefea ona faaaoga e Satani ia lava auala e faasese ai i tatou i ona po nei?



### E Faapefea Ona Tatou Le Faagaloina?

Na saunoa Elder Ronald A. Rasband o le Korama a Apose-tolo e Toasefululua: “Ia manatua, aemaise lava i taimi o faigata, le taimi na e lagonaina ai le Agaga ma na malosi ai lau molimau; manatua ia faavae faaleagaga na e fausia. Ou te folafola atu a outou faia lenei mea, . . . o le a e toe manatua i lou mafaufau na taimi pele na

tuputupu ae ai lau molimau e ala i le tatalo lotomaualalo ma le anapogi. Ou te faa-mautinoa atu ia te oe o le a e toe lagona le saogalemu ma le mafanafana o le talalelei a Iesu Keriso.”<sup>1</sup>

O le a se mea e mafai ona e faia e manatua atili ai aafiaga faaleagaga na e oo i ai i taimi ua sola?





## 3 Nifae 8–11

14–20 SETEMA

**A**o lei toe mamao le auaunaga a le Faaola ia sa Nifae i le mavae ai o Lona Toetu, sa faalogo sa Nifae i le siufofoga o le Tama Faalelagi o folasia mai Iesu Keriso o “lo’u Atalii Pele, o le ua ou fiafia lava i ai” (3 Nifae 11:7). O le aafiaga o sa Nifae e mafai ona aoao ai i tatou i ni mea se tele e uiga i le ala e mafai ai ona tatou faalogo i le siufofoga o le Atua e ala i le Agaga Paia i o tatou lava olaga.

### TALANOAGA

E ala i le gauai atili atu ma le naunau ia malamalama, o lea na iu ai ina faalogoina e sa Nifae le Tama Faalelagi o folasia mai Lona Alo ia i latou.

E mafai faapefea ona e gauai atili atu i le sailiga o le taitaiga faaleagaga i lou olaga?

# E mafai faapefea ona tatou faalogo i le siufofoga o le Atua?



### Alu i le Malumalu

Sa faapotopoto sa Nifae faataamilo i le malumalu i le laueelele o Nuumau (tagai 3 Nifae 11:1). O le i ai i lena nofoaga paia, sa tuuina atu ai ia i latou se avanoa e faalogo ai i le siufofoga o le Atua. E mafai faapefea ona tatou saunaia e o i le malumalu ma faalogo i le siufofoga o le Atua e ala i le Agaga?

### Lagonaina le Mana

O le taimi muamua, sa faalogo sa Nifae i se “leo itiiti” ae “sa lei malamalama i le leo” (3 Nifae 11:3). O lea leo “sa ati i le totonugalemu o i latou” (3 Nifae 11:3). E mafai faapefea ona tatou lagonaina le mana o le “leo filemu ma le itiiti” o le Agaga? (tagai 1 Tupu 19:11–12).

### Tatala Ou Taliga

Ina ua uma ona faalogo sa Nifae i le leo mo se taimi lona tolu, sa “latou tatala atu o latou taliga e faalogo i ai” (3 Nifae 11:5). Sa latou faaloto-maulaloina i latou lava ma sa naunau e faalogo.

E mafai faapefea ona tatou faaloto-maulaloina i tatou lava e faalogo i le siufofoga o le Atua e ala i le Agaga?

### Liliu agai atu i le Punavai

O le taimi lava na tatala ai e sa Nifae o latou taliga, sa latou “tetepa taulai faasasaga atu i le lagi, i le mea na sau ai le leo” ma “na latou malamalama ai i le leo lea na latou faalogoina” (3 Nifae 11:5–6).





## 3 Nifae 12-16

21-27 SETEMA

**I**lalo o le tulafono a Mose, sa tatau ona faa-masima aano o manu a o lei faaaogaina o se tau-laga (tagai Levitiko 2:13). E faapei foi ona sa saunia e le masima le aano o manu mo se taulaga, e mafai foi ona tatou fesoasoani e tapena le lalolagi mo le Alii e ala i le avea ma “masima o le eleele” (3 Nifae 12:13).

“E faapei o le ‘masima o le lalolagi,’ o i tatou foi o le ‘malamalamo o le lalolagi,’ ma e le tatau ona natia lo tatou malamalamo (tagai Mataio 5:13-16). ”

Peresitene Dallin H. Oaks,  
Fesoasoani Muamua i  
le Au Peresitene Sili,  
“Salamo ma le  
Suia,” *Liahona*,  
Nov. 2003, 40.

### Aveese Iona malosi e faasao ai:

**E**tatau ona avea i tatou o se “malamalamo i le lalolagi” ma fesoasoani i isi e o mai ia Keriso. Afai tatou te le faia, e ono avea i tatou “o masima ua aveesea lona malosi e faasao ai” (Mataupu Faavae ma Feagaiga 103:9-10).

### TALANOAGA

**E** mafai faapefea ona ou faamamaluina lelei a'u feagaiga ma le Atua? “E mafai faapefea ona avea a'u “ma masima o le eleele” ma faamanuia ai i latou o vagaia au?

# E mafai faapefea ona avea a'u ma masima o le eleele?

### Masima o le eleele:

Pe a tatou osi feagaiga ma Iesu Keriso, tatou te folafola atu e saunia le lalolagi mo Lona Afio Mai Faalua (tagai Mataupu Faavae ma Feagaiga 34:5-7).




“Ou te tuu atu ia te outou ia avea outou ma **masima o le eleele**; ae afai e **aveesea le mai** o le masima o se a se mea a faamasima ai le ele-ele? O le a mai i lena taimi ona **le toe lelei**, le masima mo se mea, ae nao le lafo i fafo ma soli i lalo o vae o tagata” (3 Nifae 12:13; faaopo-opo le faamamafa).

**Leai se mea e toe aoga i ai:** O le masima ua leai sona malosi e faasao ai, e leai se mea e toe aoga i ai. O i tatou o le masima o le eleele pe a tatou ‘tutu o ni molimau a le Atua i taimi uma ma i mea uma, ma i nofoaga uma atonu [tatou te] i ai” (Mosaea 18:9).



## UA FOFOGAINA MAI MALUMALU FOU E 8

Bahía Blanca, Atenitina  
Tallahassee, Florida, ISA  
Lubumbashi, Ripapelika  
Temokarasi o Congo  
Pittsburgh, Penisilevania,  
ISA  
Aai o Benin, Nigeria  
Syracuse, Iuta, ISA  
Dubai, United Arab  
Emirates  
Shanghai, Ripapelika  
o Tagata o Saina



"Tatou te le o mai i le malumalu e lalafi ai pe sosola ese ai mai mea leaga o le lalolagi.

**Ae, tatou te o mai i le malumalu e faatoilalo le lalolagi o mea leaga."**

Elder David A. Bednar o le Korama a Apostolo e Toasefululua, "Ia Fausia Lenei Fale i Lo'u Igoa," 86; faaopoopo le faamamafa.

### E FAAPEFEA ONA E "FAALOGO IA TE IA"?

E faapefea ona e aoteleina se konafesi i le lalolagi atoa e silia ma le 25 lauga? I lana saunoaga faaiu, na taaofa'i ai e Peresitene Russell M. Nelson i "upu paia mamana e lua: 'Faalogo ia te la.' . . . Matou te tatalo o le a amata ona outou toetuuto atu *moni* e faalogo, lagona, ma usitai i afioga a le Faaola." (Ia Agai i Luma i le Faatuatua," 114).

Matamata pe faitau lana saunoaga faapea ma saunoaga a nei failauga a o e taumafai e le aunoa e valaaulia ma iloa faaaliga.

- Na saunoa mai Elder Neil L. Andersen: "E mafai ona tatou 'faalogo ia te la' ona o le faamanu-iaga o le Togiola le mafaatusalia a le Faaola. . . . O le faatuatua, usiusitai, lotomualalo, ma le faamoemoega moni e tatala ai pupuni o le lagi" ("Manatuaga Faaleagaga e Manatua Pea," 21).
- Sa toe faamanatu mai ia i tatou e Elder Quentin L. Cook e faapea, "o faaaliga faaletagata lava ia e avanoa mo i latou uma o e saili atu ma le lotomualalo i le taitaiga mai le Alii," ma sa ia faasoaa mai ni mataupu faavae se tolu e fesoasoani lelei ai ia i tatou e saunia mo faaaliga (tagai "O Faamanuiga o Faaaliga Faifaipea i Perofeta ma Faaaliga Patino e Taitaiina ai o Tatou Olaga," 98-99).
- Na saunoa Elder Ricardo P. Gimenez, "E ui lava e toatele tagata e talitonu moni lava *ia lesu Keriso*, ae o le fesili taua o le pe o tatou *talitonu ia te la* ma pe tatou *te talitonu i mea Na te aoaoina ai i tatou ma talosagaina i tatou e fai*" ("Mauaina o le Sulufaiga mai Afa o le Olaga," 102).

## OU TE FIA AVEA MA SE VAEGA O LENEI MEA!

### Saunia e Lauren Soqui Bohman

O le nofo ai i Omanu, sa ma nanati atu ai ma lou toalua e faamomoe la ma fanau ina ia mafai ona ma matamata i le sauniga o le konafesi i le taeao i le isi itu o le lalolagi. Sa matou faitauina ia aso seia oo i le konafesi, mo lena taiala ma le filemu na matou iloa o le a oo mai mai le Tama Faalelagi e ala i Ana perofeta ma soo.

Sa tau mai e Sister Joy D. Jones ia i tatou e fiafia le Alii i le taumafaiga, o le a la le tele o taumafaiga ua ou naunau e fai e mulimuli ai i Lana faataitaiga?

Sa fesili Peresitene Henry B. Eyring po o le a le matafaioi o le a tatou faia i lenei vaega mulimuli i le talafaasolopito.

Sa talosaga mai Sister Bonnie H. Cordon ma Elder Jeffrey R. Holland ina ia tatou mafaufau pe faapefea ona tatou faasusulu atu ma le manatu i ai o tatou malamalama.

Sa ou lagonaina le tele o lou manao e avea ma se vaega o le agalelei lea e vave ona agai ai i luma i le Alii. O le konafesi na musuia ai au e faafou au taumafaiga e fesoasoani i lau fanau i o latou atinaega patino, ia saili atu ia avea ma se uo e sili atu ona magafagafa ma faaleagaga, ina ia faatinoina galuega o talafaa-solopito o aiga e pei o le taina o faamaumauga, ma ia vaavaai mo ni avanoa fou e auauna atu ai i le Atua e ala i le auauna atu i Ana fanau.



O numera uma o itulau e maua mai i le *Liahona* o Me 2020, o loo maua i le initoneti i le liahona. [ChurchofJesusChrist.org](http://ChurchofJesusChrist.org).

“E mafai ona tatou fesoasoani atu. E mafai ona tatou loto e faasusulu atu lo tatou malamalama ina ia mafai e isi ona vaai. E mafai ona tatou tuuina atu se valaaulia. E mafai ona tatou savalia le faigamalaga ma i latou o ē faia se laasaga agai i le Faaola, e tusa lava pe faigata. E mafai ona tatou faapotopoto Israelu.”

*“Bonnie H. Cordon: Peresitene Aoao o Tamaitai Talavou, “Ina la Latou Vaai,” 80.*

### MANATUNATU I LENEI MEA . . .

### O Meaalofa a Tamaitai ma Alii

Atonu o loo siomia i matou i eseeseaga faaleaganuu ma savali “o au lava”, ae na aoao mai e tuafafine Jean B. Bingham e tatau i alii ma tamaitai ona saunia e mulimuli i le mamanu paia o le galulue faatasi i le lotogatasi:

“Ua i ai i tamaitai ni meaalofa faapitoa ma paia ma ua tuuina atu i ai ni tiutetauave tulaga ese, peitai o na mea e le sili atu—pe itiiti ifo—le taua nai lo meaalofa ma tiutetauave a alii. Ua mama-nuina ma manaomia tagata uma e faataunu ai le fuafuaga paia a le Tama Faalelagi o le tuu atu i tagata taitoatas i Lana fanau o le avanoa sili e ausia ai lona gafatia paia.” (tagai “Aufaatasi i le Ausiaina o le Galuega a le Atua.” 63).

Ua tatou saunia e faatauaina e le tasi le isi o se paaga taua i le galuega o le faaoalataga?

# Autalavou Matutua

## I Le Vaega Lenei

**44 O Se Taiala e 3-Laasaga  
e Tausisia ai Lou Soifua  
Maloloina Faalemafaufau**  
Saunia e Michael Gardner

## Na o Polokalama Faakomepiuta

**Mo Faifeautalai o Tauivi ma le  
Soifua Maloloina Faalemafaufau**

**Sa Ou Filifili e Nofo. O Le Auala  
Lea E Mafai Ona E Fesoasoani ai  
i se Tasi e Nofo Foi**

Saunia e Shantelle Avery

**Sa l'u ina Ou Ta'utino Atu Sa I Ai  
O'u Atuatuvalega. Sa Fesoasoani  
Iesu Keriso e Laveai A'u mai le  
Pogisa**

Saunia e Nephi Tangalin

Saili nei tusiga ma isi:

- I le [liahona.ChurchofJesusChrist.org](http://liahona.ChurchofJesusChrist.org)
- I le [YA Weekly](#) (i lalo o le vaega mo Autalavou Matutua i le Gospel Library)

## E Silafia e le Faaola Ou Tiga

**I** le taimi o la tatou malaga fai i lenei lalolagi, o le toatele o i tatou i nisi taimi o le a ila mai le atuatuvale, oono mai popolega, o ao pogisa o le faanoanoa, pe (faapei foi o au) o le puaoa faagase o atuatuvalo. **O nei faalogoga e masani ona tupu mo le toatele o i tatou** i luga o le ala agai atu i atumauga lanulauvao ma le susulu o le la, ma e mafai lava ona faigofie ai ona tatou lagonaina le leai o se faamoemoe.

**O tauivinga o le soifua maloloina faalemafaufau e mafai ona oo mai pe a e le o mafaufau faapea e oo mai.** A e faamisiona ma taulai tele atu i isi, e faapea ona galo ai oe ia te oe lava. A i ai sau pepe ma e lagonaina e tatau ona avea oe ma tagata e sili ona fiafia i le lalolagi, ae e leai. A maliu se tasi e te alofa i ai ma ua faigata ia te oe ona mafaufau i le olaga e aunoa ma i latou. Pe a oo foi ina foliga mai o loo gasolo lelei mea uma, ae ua ia te oe se faalogoga lofituina e te le o fiafia.

O taimi na tatou te manaomia ai ona faatumu o tatou olaga i le filemu o le alofa e le muta o lesu Keriso. **E i ai pea lo tatou Faaola iina**, e oo lava i taimi tatou te lagona ai le tuulafoaiina pe ua se foi. Na te lagonaina ou tiga ma silafia le ala e fesoasoani mai ai.

**Aua le fefe e aapa atu.** O se vaega o le fuafuaga a le Tama Faalelagi o le alofa ma tausia e le tasi le isi (tagai Mosaea 18:21). Ma o le mea lena ua faatatau i ai le vaega o lenei masina—**o le faatollaloina o luitau o le soifua maloloina faalemafaufau e ala i le aapa atu** i isi, aemaise lava o le Faaola.

E alofaina outou.

Mai se tasi e tauivi pea ma faaauau pea.

Emilia Brändh



## Faaso Mai Lau Tala

E i ai sau aafiaga e faaso mai? Pe e te manao e vaa i ni tusiga e uiga i ni mataupu faapitoa? Afai o lea, matou te fia faalogo atu ia te oe! E mafai ona e tuuina mai lau tusiga po o ou manatu faaalia i le [liahona.ChurchofJesusChrist.org](http://liahona.ChurchofJesusChrist.org).






O Se Taiala e 3-Laasaga  
e Tausisia ai Lou  
**Soifua Maloloina**  
**Faalemafaufau**

O le oi, atuatuvaluga, ma popolega e mafai ona fetolofi mai i totonu o o tatou olaga i soo se taimi. O auala nei e tolu e mafai ai ona e tausisia lou soifua maloloina faalemafaufau.

1

### Saunia e Michael Gardner, PhD

Tautua mo Aiga



le avea ai o se faufautua o le soifua maloloina faalemafaufau faatasi ai ma se poto masani e 30 tausaga, e tele taimi ou te maofa ai i le tomai o tagata e fetaia'i ma faatoilalo ia luitau. Ua tatou ola i taimi faigata. Ma o le oi, atuatuvaluga, ma popolega e mafai ona fetolofi soo mai i totonu o o tatou olaga, aemaise i se taimi o le olaga e matua le mautonu ai, e pei o le tulaga o le talavou matua. O nei faigata o nisi taimi e tuua ai i tatou ma le fememea'i ma le le mautonu i lo tatou tomai e taulima ai ma agai i luma.

Ae ua ou aoaoina e faapea, a tatou faaaluu sina taimi e taunapa ai i lo tatou soifua maloloina faalemafaufau, e tele atu le malosiaga tatou te maua ma maufetuunai atili e faafetaiai luitau. E tele mea e mafai ona tatou faia mo i tatou lava e faamalolosia ai lo tatou gafatia faalemafaufau ina ia mafai ai ona tatou faatautaia lelei mea faalavefau (ma fiafia ai foi i o tatou taimi lelei!). Ua na o ni eria ia e tolu o le taulaiga e mafai ona fesoasoani ia te oe e tausisia ai lou soifua maloloina faalemafaufau ma faalelagona i se tulaga aupito sili.

### Aua E Te Manatu Faatauvaa i le Mana o Mea Iti ma le Faatauvaa Faaleagaga.

O na mea iti faaleagaga e mafai ona e faia i aso taitasi e faalatalata atili atu ai i le Tama Faalelagi, e maua ai le mana tele e fesoasoani ai ia te oe e tausisia lou soifua maloloina faalemafaufau nai lo se mea e te ono mafaufau i ai (tagai Alema 37:6–7). E le faapea o mausa faaleagaga e o ese ai o tatou luitau, ae latou te aumaia ia i tatou le malosiaga, o le manino o le mafaufau, vaaiga e faavavau, faamoemoe, ma le lototoa e agai ai i luma.

E masani ona ou ta'u atu i aulagoa'i e fai mea e masani ona fai i "aso taitasi." O nei mea e aofia ai tatalo anoa i aso taitasi, suesue o tusitusiga paia i aso taitasi, auauna atu i o tatou valaauga po o tiutetauave i le Ekalesia, alu i le lotu i vaiaso taitasi ma alu soo i le malumalu, ma taumafai e mulimuli i uunaiga a le Agaga Paia.

Ua ou vaai i nei faiga iti ma le faatauvaa faaleagaga o suia ai tomai o tagata e taulima ai ma faatoilalo ia luitau i ni auala maoae. A oo ina tinou a'u aulagoa'i i le faia pea o nei mausa iti faaleagaga, latou te lagonaina se tosinaga tele atu mai le mana o le Faaola i o latou olaga. Ua ou vaai i lena mana o faateleina ai lo latou malosiaga faaleagaga ma faalemafaufau. Ma ua faia ai se eseesega tele naua i lo latou tomai po o le gafatia e maua ai le fiafia ma taulai atu ai i mea e taua moni.

Na molimau mai Elder David A. Bednar o le Korama a Aposetolo e Toasefululua i lenei mea e faapea, "O le mamanu faaleagaga o mea iti ma faatauvaa i le aumaia i luma o mea tetele e fua mai ai le mausali ma le mautu, tuuto ua loloto, ma le liua ua atoatoa atili i le Alii o Iesu Keriso ma Lana talalelei."<sup>1</sup>

Aua nei faatagaina lagona o le le agavaa po o le le (mautonu e taofia ai oe mai le faia o nei mea iti faaleagaga ma le loto faamaoni (tagai Moronae 10:4). Afai e te talitonu, pe na o le i ai foi o lou naunauga e talitonu (tagai Alema 32:27) faapea o nei mausa faaleagaga e mafai ona e maua ai le malosiaga, faamalologa, filemu, ma le faamoemoe, o le a tupu lava.

O le tausia-o-oe lava e amata  
i le manatu ifo i ou lava manaoga  
ma pe o le a le tele e mafai ona  
e ofoina atu.

2

### **Manatua e Faataitai le Tausia-o-Oe-Lava**

Ua tatou faalogo uma e uiga i le matapu faavae o le ola tutoatasi. O le tele lava o taimi tatou te talanoa ai e uiga i manaoga tautupe po o le faaletino. Ae o le tasi o vaega aupito taua o lenei manatu faavae o le ola tutoatasi faalelagona—tausia o oe lava—lea e taua i le tausisia o le soifua maloloina faalemafaufau.

E faapei ona tatou faia i isi, aisea e faigata tele ai i le toatele naua o i tatou ona faavanoa se taimi mo i tatou lava? Ou te mafaufau i nisi o taimi i le manatu o le faavanoa o se taimi mo i tatou lava e foliga mai e manatu faapito pe pei o se faamaimauina o le taimi. Ae e matua sese lava! O le tausia-o oe lava e le o se manatu faapito! Afai tatou te le tausia i tatou lava, e mafai la faapefea ona i ai se isi mea o totoe e faasoa atu i isi?





O le tausia-o-oe lava e amata i le manatu ifo i ou lava manaoga ma pe o le a le tele e mafai ona e ofoina atu. O le iloaina, malamalama, ma faailoa o ia lagona e te maua e ttau i le maua o ou lava manaoga. O ni nai faataitaiga ia o le tausia-o-oe lava e mafai ona e faataunuina ai nisi o ou manaoga faalemafaufau ma faalelagona:

- la tausia lelei lou tino e ala i le taumafaina o meaai e ttau ai, ia lava le moe, ma ia faamalositino e le aunoa.
- Atiina ae sootaga ma tagata e mafai ona e talanoa i ai ma faasoaa atu i ai ou atugaluga ma lou fiafia.
- Saili mea faafafia lelei, o mea e te fiafia e faia, ma gaoioiga e te maua ai le olioli ma se lagona ua ausia.
- Api talaaga e fesoasani ia te oe e faailoa atu ou lagona ma faatulaga ou mafaufauga.
- Faaalu se taimi i fafo o le fale.
- Faatutu ni tuaoi maloloina ma fai atu e leai pe afai ua e iloa ua tele naua mea o tutupu.
- Faataitai le lotofaafetai. O le lotofaafetai e fesoasoani ia i tatou e aloese mai lagona faanoanoa mo i tatou lava pe tuua'ia foi isi i lo tatou le fiafia. Taumafai e tusi i lalo ni mea se tolu e te faafetai ai i le faaiuag o aso taitasi.
- la suia mafaufauga le lelei ma le memumemu le lelei ia te oe lava, i se mea e lelei.
- Manatua pe o ai oe---o se atalii/afafine paia o ni matua faalelagi. E alofagia oe ma lagolagoina e le toatele naua i le lag ma le lalolagi.
- Faaititia le taimi e te faaalu i fesootaiga faaagafesootai (pe aloese atoa mai ai).
- Faamagalo oe lava ma isi. O le taofifimamau i mea faafatu'ulu po o ma sese ua te'a e faaopoop ai se avega mamafa e le ttau ai i luga o ou tauau.

# 3

## Faalotomaualalo Oe Lava ma Fesili mo se Fesoasoani

E leai se tasi o i tatou e faapea, e mafai ona faatinoina lenei malaga faitino na o ia. Tusa lava pe e te ola tutoatasi, o le fesoatai ma isi e taua e tausisia ai ou manaoga faalemafaufau ma faaelagona. Ma o loo i ai o tatou matua, ma isi tagata o le aiga, uo, taitai o le Eklesia, ma lo tatou Tama Faalelagai, Iesu Keriso, ma le Agaga Paia e taiala, taitai, ma fesoasoani ia i tatou i le ala. Faaalu sina minute e toe ililo ai lau upega tafailagi faaleagafesootai i le taimi nei. Fesili ifo ia te oe lava:

- Pe o maloloina au fegalegaleaiga ma isi?
- Pe mafai ona e faaaogaina nisi lagolago mai isi?
- Pe e te tulei eseina tagata? Pe o mafai ona e fesili mo se fesoasoani pe a e manaomiaina?

O le tele o taimi, ina ia fesoasoani i isi, e manaomia ona tatou iloa pe o latou feagai ma ni tauiviga? Aua e te fefe, pe mā, pe musuā e saili le fesoasoani pe a e manaomiaina, pe o le masua atu i se tasi e uiga i ou popolega pe fesili foi i se tasi mo se fesoasoani. E matua manaomia ai lava le lototoa ma le lotomaualalo e tautino atu e te manaomia le fesoasoani. Ae e tele ina faamanuiaina i tatou e le Tama Faalelagi e ala mai i isi pe a tatou faatagaina i latou ina ia i ai iina mo i tatou.

O le ola tutoatasi moni faalelagona e amata i le iloaina o o tatou tuaoi ma le saili atu i le fesoasoani i fafo atu o i tatou lava e faatumu ai le avanoa. E ese mai uo ma le aiga, e mafai foi e ou taitai i le Eklesia ona ofo atu se fautuaga, taiala, ma le faamoe-moe pe a e manaomia. Afai e mafai ona e manuia mai fautuaga faapolofesa po o se fesoasani faafomai ia faatulaga lelei ai lou soifua maloloina, e mafai foi e lou epikopo ona faasino atu oe i ni fofo ua agavaa.

E pei ona e silafai lelei, ua tatou ola i taimi faigata. Ae ua tatou ola foi i taimi aupito sili ona o le talalelei toefuataiina a lesu Keriso! Ua ia i tatou le malamalama i le ata o le faaolataga ma le anoanoai o meafaigaluega e mafai ona fesoasoani ia i tatou ia maua le olioli, ma le filemu e tusa lava po o a tulaga. Ma afai tatou te faaaogaina na meafaigaluega, o le a fesoasoani ia i tatou e toe foi atu ai i lo tatou Tama Faalelagi. ■

### FAAMATALAGA

1. David A. Bednar, "By Small and Simple Things Are Great Things Brought to Pass" Brigham Young University Women's Conference address, Apr. 29, 2011), [womensconference.byu.edu](http://womensconference.byu.edu).



E mafai ona e mauaina nisi aafiaga mai talavou matutua e faatatau i le feagai ai ma atugaluga, popole, ma isi luitau tau le soifua maloloina o le mafaufau i le liahona. ChurchofJesusChrist.org ma i le polokalame feaveai o le Potutusi o le Talalelei. Siaki tusiga faaeletonika nei:

- Talanoa se talavou matua mai Finilani e uiga i ana luitau ma le soifua maloloina o le mafaufau ma le auala na fesoasoani ai le aapa atu ma fesootai ma isi e laveai ai ia mai le pogisa o le atugaluga.
- Tuuina mai e se isi talavou matua na feagai ma manatu o le faamuta o le ola ni motugaafa e 14 i le auala e fesoasoani ai i se tasi e filifili e nofo.
- O se talavou matua mai Filipaina o faasoai mai e uiga i lona iloaina ma le taliaina sa tauivi o ia ma atugaluga ma le auala na ia maua ai le lototoa e saili se fesoasoani.

---

# O LE AIGA

---

## O SE FOLAFOLAGA I LE LALOLAGI

O LE AU PERESITENE SILI MA LE AUFONO A APOSETOLO E TOASEFULULUA  
O LE EKALESIA A IESU KERISO O LE AU PAIA O ASO E GATA AI

**O**I MATOU, O LE AU PERESITENE SILI ma le Aufono a Aposetolo e Toasefululua O Le Ekalesia a Iesu Keriso o le Au Paia o Aso e Gata Ai, matou te ta'utino atu ma le faamaoni, o le faaipoipoga i le va o se alii ma se tamaitai, ua faauuina e le Atua, ma o le aiga o le totonugalemu lea o le fuafuaga a Lē Foafoa, mo le taunuuga e faavavau o Lana fanau.

**O**TAGATA UMA—tane ma le fafine—ua foaoaina i le faatusa o le Atua. O i latou taitoatasi o se atalii po o se afafine agaga faapelepele a ni matua faaelagi, ma, o lea ua tofu ai ma se natura paia ma se taunuuga. O le tulaga tane po o le fafine [o le tagata] o se vaega taua lea o le mua'i olaga, olaga faitino, ma le faasinomaga e faavavau ma le faamoemoega.

**I**LE MUAI OLAGA, sa iloa ma tapua'i atalii ma afafine agaga i le Atua o lo latou Tama e Faavavau ma sa [latou] talia Lana fuafuaga e mafai ai e Lana fanau ona maua se tino faaletino ma maua le tomai faaelalagi latou te maua ai le atoatoaga ma iloa tino ai lo latou taunuuga paia o ni suli o le ola e faavavau. O le fuafuaga paia o le fafia, ua mafai ai ona faaauau fegalegaleaiga faaleaiga i tala atu o le tuugamau. Ua mafai i sauniga paia ma feagaiga ua maua i malumalu paia ona toe foi atu ai tagata taitoatasi i le afioaga o le Atua ma toe faatasia ai aiga e faavavau.

**O**LE ULUAI POLOAIGA na tuuina e le Atua ia Atamu ma Eva, e faatatau i lo la agavaa mo le tulaga faamātua, o se tane ma se ava. Matou te ta'utino atu o le poloaiga a le Atua i Lana fanau ia fanafanau ma uluuluola ai le lalolagi, ua faamalosia ma faatumauina. Matou te toe ta'utino atu foi ua poloai mai le Atua, o mana paia o le foaoaina o fanau, ua na o le va lava o le alii ma le tamaitai ua faaipoipoina faaletulafono, o se tane ma le ava, e tatau ona faaaogaina ai.

**M**ATOU TE TA'UTINO ATU o le ala ua foaoaina ai le ola faitino, ua faatuina i le finagalo paia. Matou te faamaonia le paia o le ola ma lona taua i le fuafuaga e faavavau a le Atua.

**O**LE TANE MA LE AVA ua i ai se tiutetauave paia e alofa ma tausi e le tasi le isi ma a la fanau. "O fanau o le tofi lea mai

le Alii" (Salamo 127:3). Ua i ai i matua se tiute paia e tausia a latou fanau i le alofa ma le amiontu, ia tuuina atu i ai mea e manaomia faaletino ma le faaleagaga, ma ia aoao i latou e alolofa ma feauauna'a'i, ia tausia poloaiga a le Atua ma avea ma tagatanuu usiusitai i tulafono i soo se mea latou te nonofo ai. O tane ma ava—tina ma tamā—o le a latou tali atu i le Atua mo le faataunuina o nei mea e ao ona faia.

**O**LE AIGA ua faauuina e le Atua. O le faaipoipoga i le va o le alii ma le tamaitai e taua i Lana fuafuaga e faavavau. E tatau ona fanauina fanau i totonus feagaiga o le faaipoipoga, ma ia tausia e se tamā ma se tina o ē ua faamamaluina ma le faamaoni atoatoa feagaiga faaleulugalii. E maua le fafia i le olaga faaleaiga pe a faavae i aoaoga a le Alii o Iesu Keriso. O faaipoipoga ma aiga manuia, e faavae ma tumau i matapu faavae o le faatuatua, tatalo, salamo, faamagaloga, faaaloalo, alofa, agalelei, galuega, ma gaoioiga faafafia tuufaatasi. I le fuafuaga paia, e tatau ona pulefaamalumalu tamā i o latou aiga i le alofa ma le amiontu ma o i latou e tuuina atu mea e manaomia o le olaga ma le puipuiga mo o latou aiga. O le uluai matafaioi a tina o le faaialeleina lea o a latou fanau. O nei matafaioi paia, e ao i tamā ma tina ona fesoasoani le tasi i le isi o se paaga tutusa. O mea e faaletonu, oti, po o nisi mea e tula'i mai, e alagatatau ai ona fetuutuunai tagata taitoatasi. E tatau i aiga lautele ona tuuina atu le lagolago pe a manaomia.

**M**ATOU TE LAPATAATU o tagata taitoatasi o ē ua solia feagaga o le ola mama, o ē faasaunoa i taitoalua po o fanau, o ē ua faatalalē i le faataunuina o tiutetauave faaleaiga, o le a i ai se aso tou te tutū atu ai e tali atu i luma o le Atua. E le gata i lea, matou te lapata'i atu foi, o le faamalepeina o le aiga o le a aumai ai i tagata taitoatasi, alaalafaga, ma malo, faafanoga ia na ulua'i ta'u mai e perofeta anamua ma aso nei.

**M**ATOU TE VALAAU ATU i tamalii ma failauga ma taitai o malo i soo se mea ina ia faalauiloa atu na fua faatatau ua fuafuaina ina ia faatumauina ma faamalosia le aiga o se iunite faavae o malo.


*Sa fofogaina lenei folafolaga e le Susuga a Peresitene Gordon B. Hinckley,  
o se vaega o lana savali i le Sauniga Aoao a le Aualofa sa faia i le aso 23 o Setema, 1995 i le Aai o Sate Leki, Iuta.*

---

## AUTALAVOU MATUTUA

Tauivi ma lou soifua maloloina faalemafaufau? O le masina lenei, sue motugaafa ma tala e uiga i le tausisia o le faaleleia o lou soifua maloloina faalemafaufau.

42



AUTALAVOU


FAI NI TUSIGAMA-  
NATU I LE KONAFESI  
AOAO

Api o le  
Tusigama-  
natu


MATUA

GAOIOIGA MO LE  
KONAFESI AOAO

U12



O LE EKALESIA A  
IESU KERISO  
O LE AU PAIA O ASO  
E GATA AI



Sa Aodo Atu  
Samuelu e  
uiga ia Iesu

Tagai i itulau U20-U22



Saunia e  
Peresitene  
**Henry B. Eyring**  
Fesoasoani Lua i le  
Au Peresitene Sili

# Aloofa i o Tatou Aiga

**N**a ta'u atu e le perofeta o Alema i lona nuu e tatau ona latou "fili faatasi o latou loto i le lotogatasi ma le alofa o le tasi i le isi" (Mosaea 18:21). O nisi taimi e mafai ona faigata ona lagonaina le lotogatasi i o tatou aiga, ae e mafai e le Agaga Paia ona fesoasoani ia i tatou.

Sa i ai se taimi sa osooso ai le ma atalii laitiiti i luga o lona moega. Sa ia osooso malosi ma sa ou manatu e ono gau lona moega!

Sa ou le to'a. Sa ou alu atu ma toso mai o ia i ona tau'au. Sa ou sii a'e o ia i luga i le mea na fetaui ai o ma mata.

Ona oo mai lea i lo'u mafaufau na ou faalogo i le leo lemu o le Agaga Paia o fai mai, "Ua e uuina se tagata maoae." Sa goto loloto ifo na upu i lo'u loto. Sa ou toe tuu ifo lemu lo'u atalii i luga o lona moega ma faatoese atu i ai.

O le taimi nei ua avea lo'u atalii ma se alii maoae. Ou te faafetai e faavavau ona sa fesoasoani mai le Agaga Paia ia te au ia ou vaai atu ia te ia e faapei ona silasila i ai le Tama Faalelagi ia te ia--o Sona atalii.

E mafai ona tatou taumafai e faalogo i le Agaga Paia pe a tatou vaai atu le tasi i le isi, ma e oo lava pe a tatou mafaufau i le tasi ma le isi. O le a fesoasoani lena tatou te lagona atili ai le alofa i o tatou aiga. ●

*Sii mai le "Ou Te Tuuina Atu Ia Te Outou Le Manuia,"  
Liahona, Me 2017, 15–18.*



## Tuputupu a'e i le Alofa

Oti ese ni fasipepa ma tuu i totonu o se apa.  
A uma ona outou faia se tasi o gaoioiga,  
faaopoopo se sooga o lau filifili o fatu.

1. Gagau faaafa le fasipepa.
2. Gagau faatasi pito o le pepa ia foliga ai e pei o se fatu.  
Faapine pe faapipii faatasi.
3. Ina ia faia se filifili, faapi'o pito o le isi fatu i totonu  
o le fatu muamua a o lei faapineina faatasi.



**FESILI PO O LE A SE MEA E MAFAI  
ONA E FAIA E FESOASOANI AI.**

**TALANOA E UIGA I SE MANATUAGA MALIE.**

**TATALO MO SE TASI O LOU AIGA.**

**TUSI SE FAAUPUGA ALOFA I SE TASI.**

**FESILI I SE TASI PE NA A MAI LONA ASO.**

**AVATU SE MEAINU PO O SINA MEAAI MĀMĀ.**

**FAI ATU I SE TASI E TAU A LATOU IA TE OE.**

**FAI SE TAALOGA PE SAVALIVALI FAATASI.**

**FAI ATU, "MALIE LOU LOTO," PE A MANAOOMIA  
ONA E FAIA.**



O le a se mea e mafai ona e faia e fesoasoani ai i lou aiga ia lagonaina atili le alofa?

# O Se Ipu Vai Mafanafana



**Saunia e Minjung Park**  
(E faavae i se tala moni )



**S**a faanatinati atu Minjun ma lona Tama i le fale Lotu, ma sa agi mai i o la'ua tua le matagi malulu. Sa matuai malulu foi totolu o le fale. Sa faamoemoe Minjun o le a mafanafana atili pe a potopoto atu ni tagata e toatele.

O le uo a Minjun, o Jungmin e papatiso i le asō. Sa feiloai Jungmin ma faifeautalai tamaitai ma sa mafaufau ai mo se taimi umi e papatiso. Sa anapopogi ma taalo le uarota atoa mo ia. Na iu ina filifili o ia e papatiso. Ma o le asō, o le aso lea!

O la sa tau faatumu le vaipapatiso i le taimi na savavali atu ai Minjun ma Tama i totolu o le potu. Sa la saofafai i autafa o le uo a Minjun o James. E lei leva ae savali atu i totolu Jungmin, o loo ofu ona ofu papae mo le papatisoga.

“Sa fai si ona popole teisi,” na fai ane ai James.

Sa lue atu le ulu o Minjun. Na fiafia o ia ona sa mafai ona i ai iinei mo lana uo.

E lei leva ae tumu le vaipapatiso. Ua oo i le taimi e amata ai le papatisoga! Ae nai lo le amataina, sa talanoa ia faifeautalai ma ni isi o le au paia, ma sa foliga popole. Sa alu atu Tama e vaai po o le a le mea na faaletonu.

“O le a le mea ua tupu?” Na fesili ai Minjun ia Tama.

“Ua gau le masini o le vaivevela o le fale, o lea ua

matuai malulu ai lava le vai o le vaipapatiso,” na fai mai ai Tama.

Sa tilotilo atu Minjun i le vaipapatiso. I lona papatisoga, sa mafanafana le tau, mafanafana le vai, e oo lava i le fusi mafanafana a lona tamā ina ua ia sau i fafo mai le vai. Sa le mafai ona ia mafaufau i le papatisoina i le vai malulu i se aso o le taumalulu.

Sa matau atu e Minjun ia Jungmin o laa ifo ma le lototua i totolu o le vai, faatasi ai ma Elder Keck, o lē o le a papatisoina o ia.

“Ua fai lava si malulu tele!” Fai mai ai Jungmin. “E le mafai ona toe umi atu se taimi ou te tu ai ii.” Sa ia toe a'ea'e ane i luga o le vaipapatiso, ma le tetete. Sa lagona e Minjun le faanoanoa mo ia.

I ni nai minute mulimuli ane, na toe taumafai ai Jungmin e alu i totolu o le vai. O le taimi lea sa na o ni nai laa iti lava ae toe faatopetope ese mai i fafo. Sa ia toe taumafai mo nisi taimi se lua. Sa matua maatiati le malulu o le vai! “E mafai ona taofi?” Sa fesili atu ai Jungmin. “Sa foliga mai o le a tagi o ia.

Sa faia e Minjun se tatalo le leoa e ole atu ai pe mafai faapefea ona ia fesoasoani.

“O le a se mea e tatau ona tatou faia?” sa fai mai ai se tasi.



O le vai i le vaipapatiso  
sa malulu pei o le aisa.  
Ona oso ae lea o se  
manatu ia Minjun.



"Pe tatau ona tolopo le papatisoga?" sa fesili ane ai  
se isi tagata. Sa mananao tagata uma e fesoasoani ia  
Jungmin, ae sa latou le iloa pe faapefia.

Ona oso ae lea o se manatu ia Minjun. Sa ia eueu atu  
James. "Ta o, James!"

Sa o Minjun ma James i le umukuka. Sa la mauaina se  
iputi lapoa ma se pesini ma sa faatutumu i le vaivevela  
mai le masini o le vaivevela. Sa la aveina ma le faaeteete  
i le falesa ma asu atu le vaivevela i le vaipapatiso. "Atonu  
o le a fesoasoani lea e faamafanafana ai le vai!" Na fai  
mai ai Minjun.

Sa ofo tagata uma. "Aisea  
na tatou le mafaufau ai i lena  
mea?" sa fesili ai se tasi.

Sa latou amata ona taufai  
faaoopoopo atu le vai mafana-  
fana mai le umukuka. Sa tunu-  
ina e nisi tagata le vaivevela i  
le ogaumu. O isi sa latou ave-  
ina ma le faaeteete ia ulo agai atu i  
le faapaologa ma liligi i totonu o le  
vaipapatiso. E oo foi i isi tamaiti o  
le Peraimeri sa fesoasoani, e tasi le  
ipu vai i le taimi.

Na iu lava ina lava le  
mafananafana o le vai. Sa  
laalaa ifo Jungmin ma  
Elder Keck i lalo o le  
vaipapatiso. Sa lagonaina  
e Minjun le mafananafana i  
lona loto a o faalogo atu  
ia Elder Keck o fai ia upu  
o le tatalo o le papatisoga.  
Ina ua alu ae Jungmin mai le vai, sa ataata o ia. Sa fiafia  
tagata uma.

Ina ua uma ona sui ia Jungmin i ona ofu mago,  
sa tuuina atu e Minjun ia te ia se opo tele. Sa iloa  
e Minjun o soo se taimi lava e tatalo ai ma le loto-  
toa, e fesoasoani mai lava le Tama Faalelagi ia te  
ia ia iloa le mea e fai. O le papatisoga lenei o se  
tasi lea o le a le gallo lava ia Minjun. ●



E alaala le tusitala i Seoul,  
Korea i Saute.

O Jungmin faatasai ai ma  
faifeautalai ma ni isi o tagata  
sa fesoasoani e la'u le vai.

# Talofa mai Kuatemala!



Talofa, o ma'ua  
o Margo ma  
Paolo.

O loo ma  
malaga taamilo i le  
lalolagi e aoao e  
uiga i fanau a le  
Atua. Faatasi mai ma  
i ma'ua a o ma  
asiasi atu i  
Kuatemala!



O Kuatemala e i Amerika Tutotonu.

E tusa ma le 17 miliona tagata e  
nonofo iinei, ma pe tusa ma le 300,000  
o tagata o le Ekalesia.

O loo fesoasoani  
le tamaititi lea  
i lona aiga i le  
la'uina o fafie.



E toatele tagata e malaga mai  
lea nofoaga i lea nofoaga i  
pasi felanulanu'i.



O le quetzal fulu-sesega o le  
manulele a le atunu o Kuatemala.  
O le "Quetzal" foi o le igoa o le  
tupe a Kuatemala!



E 30 maugamū i Kuatemala.  
O le tolu o na maugamū e ola!  
O le maugamū lea na pa i le 2015.

O le aiga lea i Kuatemala o loo suesueina faatasi ia tusitusiga paia. O ai lua te suesue faatasi i tusitusiga paia?



O nisi aiga i Kuatemala e faaaogaina le *pilas* —o pesini felanulanuai i fafo—e fufulu ai ipu ma tatā ai lavalava.



O le faavaa lea o le Tusi a Mamona i le [gagana] Cakchiquel. O le gagana Cakchiquel o se tasi o gagana e 18 a le atunuu e faaaoga i Kuatemala! O le faaSipaniolo o le gagana aloaia lena a le atunuu.

## Feiloai i nisi o a tatou uo mai Kuatemala!



Ina ua leai se galuega a lo'u tina, sa fesoasoani ia tagata o le Ekalesia ia i matou i meaai. O lena mea na aoaoina ai au i le ala e faasoa atu ai i isi e le tele ni a latou mea.

**Darwin M., 9 tausaga,  
Sololá, Kuatemala**



Sa matou aoaoina faapea, sa folafola atu e le Aposetolo o Paulo le talalelei i tagata uma. Sa ou lagonaina ua tonu le faasoa atu o le Tusi a Mamona i a'u uo. Sa ou tusia la'u molimau i tusi taitasi ma tuu atu ia te i latou. Na ou fiafia ina ua ou iloa o loo latou faiatina.

**Ximena L., 9 tausaga,  
Sacatepéquez, Kuatemala**

**Pe e te sau mai Kuatemala?  
Tusi mai ia i ma'ua! Ma te  
fiafia lava e faalogo atu  
ia te outou.**

**Faafetai mo le  
asiaisia o Kuatemala  
ma i ma'ua. Feiloai  
i se isi taimi!**



# ○ Danna ma le Suega Matematika

**Saunia e Lucy Stevenson**

Mekasini a le Ekalesia  
(E faavae i se tala moni)

*“Tatalo e le aunoa, ina ia mafai ona e sau ai o lē ua manumalo” (Mataupu Faavae ma Feagaiga 10:5).*

“Danna,” na valaau mai  
Dai Mama. “Ua e sauni  
mo le a’oga? O le taimi o  
tusitusiga paia!”

“Ua ou alu atu!” Sa  
momono e Danna lana tusi  
matematika i lana ato a’oga  
sesega ma asoa i lona tauau.

Sa taulotoina e Danna ma  
lona aiga se fuaiupu fou o se mau i vайасо taitasi. O aso  
taitasi ae latou te lei o i le a’oga, latou te faata’ita’ia ai  
faatasi. Fai ma Mama o le aoaoina o se mau fou e pei  
o le faia o se uo fou. “O le taimi lava e i ai i lou loto,  
o le a i ai pea lava iina pe a e manaomiaina.”

Sa tutu Danna ma ona uso laiti i le faitotoa ma toe  
tauloto le fuaiupu o le vайасо lenei. Sa mai le Mataupu  
Faavae ma Feagaiga.

“Tatalo e lē aunoa, ina ia mafai ona e sau ai o lē  
ua manumalo,” sa latou faia faatasi ai.

“O le a le uiga o le ‘sau ai o lē ua manumalo?’  
Na fesili ai Tatiana le uso o Danna.

“O lona uiga e mafai ona e faia ni mea faigata!”  
Na fai atu ai Danna.



Sa luelue atu le ulu o  
Mama. “Pe a tatou tatalo, o  
le a fesoasoani mai le Tama  
Faalelagi ia i tatou.”

Sa toe fai faafia e Danna  
le mau i lona mafaufau a o  
ia faatopetope atu i le a’oga.

I se taimi mulimuli ane i  
lena aso, sa tu le faiaoga o  
Danna i luma o le potuaoga  
i autafa o le fu’a lanumo-  
ana ma paepae a Kuatemala.

“Taimi o la outou suega matematika,” sa fai atu ai Señora  
Morales. Sa amata ona ia pasi atua se faaputuga pepa.

Sa fifafia Danna i le matematika. Ma sa lelei ai o ia!  
Sa ia suesue malosi mo le suega, ma sa ia iloaina e mafai  
ona lelei lana suega.

Sa aumaia e Danna lana penitala ma amata loa ona  
galue. Sa ia maua se lagona lelei e uiga i ana tali. Ona  
oo ifo lea i le seti mulimuli o fesili. Sa matuai faigata  
lava. Sa ia le manatuaina pe faapefea ona fai!

Sa lagona e Danna se popole faafuasei. Pe mafai faa-  
pefea ona ia faaumaina lana suega matematika? Sa tago  
atu i lana penitala ma toe faiatou le isi fesili.

Ona oso mai lea o se manatu i lona mafaufau. “Tatalo e  
lē aunoa, ina ia mafai ona e sau ai o lē ua manumalo . . .”



Sa manava loloa ia Danna. Na moeini ona mata ma faia se tatalo le leoa i lona loto.. *Tama Faalelagi, faamolemole fesoasoani mai ia te au ia ou manatua mea sa ou aoaoina. Faamolemole fesoasoani mai ia lelei lo'u faia o lenei suega.*

Sa toe tilotilo ifo Danna i lana pepa. Sa ia tilotilo i numera fesili ua uma ona ia maua tali. Ona ia toe tilotilo lea i fesili faigata. Sa amata ona ia manatuaina le auala e fai ai! Sa liusuavai lona gatete. Sa toe manava loloa o ia ma galue loa.

Ina ua tuua le aoga, sa fiafia Danna e faamatala i lona aiga le mea na tupu.

“O le taimi muamua sa le mafai ona ou manatua le auala e maua ai tali i nisi o fesili,” na fai atu ai Danna. “Ae o le taimi lea sa ou mafaufau ai i le mau sa tatou taulotoina. Sa fai sa’u tatalo, ma sa fesoasoani mai le Tama Faalelagi ia te au.”

“Malo lava!” Na fai atu ai Mama.

“Na e sau o lē ua manumalo!” Na fai atu ai Tatiana.

Sa ata Danna. “Na ou manumalo! Tusa lava po o le a le togi ou te maua, ou te iloa na ou faia le mea silisili.” Sa ia avatu ia Tina ma Tatiana se opo tele. Sa le mafai ona faatali o ia e vaai po o le a le mau uo o le a latou maua i le vайасо fou. ●

**Na tupu le tala lea i Kuatemala Alu  
i le itulau U6 e aoao ai e uiga i lena atunuu!**





**Saunia e Sister  
Lisa L. Harkness**

Fesoasoani Muamua  
i le Au Peresitene  
Aoooo o le Peraimeri



Sa i ai se taimi sa ou lauga ai i se vaega o tamaitai i Aferika i Saute. Sa amata i lo'u hamuina o le viiga "Ia Viia Oe le Atua, mo se Perofeta." I le mavae ai o ni nai nota, sa faapea ona pepese leotetele mai nei tamaitai! Sa faatumulia lo'u agaga i a latou pesega. Sa matou taufai lagonaina le alofa o le Atua.

I le malaga lava foi lea, sa ou asiiasi ai i le DR Congo ma lauga ai i tamaitai ma teine i se faigalotu i le Aso Sa. Sa latou malaga mai i pasi i vaega eseese o le aai ina ia o mai ai. Sa anoanoai tagata ma sa matou toe faaopopoina nisi nofoa i va, ma sa autilo mai tagata mai i faamalama ina ia mafai ona ofi uma i le potu! Sa faagaeetia lava au e nei tamaitai. Ua latou suia o latou nuu i ni ala mamana. O loo latou faasoa atu le alofa o le Atua.

Sa ou feiloiatatu i le anoanoai o tamaiti Peraimeri i Aferika. O le toatele o i latou ua na'o i latou tagata o le Ekalesia i o latou aiga. Ae latou te o mai pea lava na'o latou i le lotu i vaiaso taitasi. E fesoasoani le Peraimeri ia i latou ia lagonaina le alofa o le Atua.


O tagata o Aferika e o mai mai atunu ma aganuu eseese. E tele gagana latou te tautatala ai. E mauoa i latou i le faatuatua ma i lo latou alolofa i le Atua. Ina ua

# Fanau a Matua Faalelagi

ou tilotilo atu i o latou mata, sa mafai ona ou lagonaina sa latou iloaina le upumoni ma ua i ai a latou molimau i le talalelei toefuataiina a Iesu Keriso. Sa latou iloaina o i latou o fanau a ni matua faalelagi.

E moni foi lena mea mo oe. O oe o se afafine/atalii o ni matua faalelagi. E alolofa i Laua ia te oe! ●

*Sii mai le Aubrey Eyre, "Sister Cordon and Sister Harkness Say African Women Are a Powerful Force for Change," Church News, 11 Junes, 2019.*



# O Tamaitai O E Fesoasoani i le Taitaiga o le Ekalesia



Valivali ata nei ona vaavaai lea mo tamaitai e i luga o le tulaga i le taimi o le konafesi aoao. O ai o i latou na lauga pe na tatalo i le konafesi? O a ni mea na e aoao mai ia i latou?



**Sister Lisa L. Harkness**

Fesoasoani Muamua i le Au Peresitene Aoao o le Peraimeri



**Sister Joy D. Jones**

Peresitene Aoao o le Peraimeri



**Sister Cristina B. Franco**

Fesoasoani Lua i le Au Peresitene Aoao o le Peraimeri



**Sister Michelle D. Craig**

Fesoasoani Muamua i le Au Peresitene Aoao o Tamaitai Talavou



**Sister Bonnie H. Cordon**

Peresitene Aoao o Tamaitai Talavou



**Sister Becky Craven**

Fesoasoani Lua i le Au Peresitene Aoao o Tamaitai Talavou



**Sister Sharon Eubank**

Fesoasoani Muamua i le Au Peresitene Aoao o le Aualofa



**Sister Jean B. Bingham**



Peresitene Aoao o le Aualofa



**Sister Reyna I. Aburto**

Fesoasoani Lua i le Au Peresitene Aoao o le Aualofa

# O La'u Api o Tusigāmanatu o le Konafesi Aoao




## Faalogo i O'u Taitai

Valivali le ata o le perofeta a o saunoa mai ma tusi ata o isi failauga e te faologologo i ai.



## Mulimuli ia Iesu

O taimi taitasi e te faalogo ai i se tasi o talanoa e uiga ia Iesu, valivali se pea o tulagavae seia e taunuū i le Faaola. E alofa o Ia ia te oe!





Pe na e matamata i le sauniga aodo a tamaitai?

Sue ata o tamaitai o e o fesoasoani e taitai le Eklesia i le itulau U11 o le Uo o le masina lenei!

## Upu Ua Ou Faalogo Ai

Li'o ata nei pe a lauga i ai se tasi, pe tusi isi upu e te faalogo i ai.



## Musika Matagofie

Lolomi nota o musika nei a o faalologologo i aufaipeso o pepese. Ona valivali lea!





# O Le Galuega Taua Silisili

**Saunia e Linda G. Paulsen**  
(E faavae i se tala moni)



*“O a’u nei, o loo ia te outou e pei o le auauna”  
(Luka 22:27).*

**E**fifiafia Amelia e asiiasi ia Tinamatua. Sa fifiafia o ia e taaloalo i manu meataalo ma faapupuu i le palanikete telē malūlū o Tinamatua. Ae o le asō sa lē mo le taalo. O le asō sa mo le fesoasoani atu.

I le agai atu i le fare o Tinamatua, sa talanoa uso o Amelia e uiga i galuega sa latou mananao e fai.

Sa manao Sara e salu le fare. Sa manao Emily e solo. Ma sa faatonu e Mama ia Alyssa e fufulu ia faamalama.

“Ae a au?” Na fesili ai Amelia. “Pe tatau ona ou fesoasoani e tafi le pefu?”

“E i ai sa’u galuega faapitoa mo oe,” na fai atu ai Tina.

“Ou te manao ia te oe e faalogo.”

Sa faatalitali Amelia. "Ua lelei, o lea ou te faalogo atu. O le a?"

"O le galuega lena!" Sa fai atu ai Tina ma se ataata. "Tau lava o le faalogo. Saofafai ma Tinamatua ma faalogo a o tautala o ia. Atonu o le galuega taua silisili lena tatou te faia i le aso atoa."

*E mafai faapefea ona avea le faalogo ma galuega taua silisili?* Na manatunatu ai Amelia. Sa foliga mai o le tafi o le pefu o se galuega e sili ona moni! Ae sa naunau Amelia e taumafai.

Sa fiafia Tinamatua e vaai ia i latou. Sa taufai amata uma le isi vaega ia latou galuega. Sa alu ane Amelia ma nofo i talane o Tinamatua i luga o le nofoa faamalū umi. Sa vaaia e Amelia le lapiti vavae i le tulimanu. "Manaia lau lapiti," sa ia fai atu ai.

Sa ataata Tinamatua. "Pe na ou faamatala atu ia te oe e uiga i lo'u tuagane o Mel ma le lapiti pepe?"

Sa te'i Amelia. "O se lapiti mo'ip?"

Sa hui atu le ulu o Tinamatua. "O se lapiti matuaoti na ia mauaina. Sa ia momonoina i totolu o lona mitiafu ina ia saogalemu." Sa faamatala e Tinamatua ia Amelia le sai o le lapiti na fau e Mel.

O lena tala na manatua ai e Tinamatua isi tala. Sa ia faamatala e uiga i se tamai povī fagafao sa ia faaigoaina ia Star. Sa masani ona ia tietie i le tua o Star. Sa ata faamimigī ia Amelia a o ia vaai faalemafaufau ia Tinamatua o tietie i se tamai povī pepe. E lei faigofie, le vaai faalemafaufau ia te ia o se teineitiiti.

Sa talanoa ma talanoa ai lava Tinamatua. Sa ia toe faamatala foi le tala i le lapiti. O le isi taimi, sa ia malolo i le ogatotonu o se tala, ona toe amata foi lea.

Sa taumafai Amelia e faalogologo pea, ae ua amata ona lelavā. O la lava e galalue Mama ma isi teine.

Na faapupuu ifo Amelia i lona nofoa. Sa faigata ona saofai ma faalogo! Ae sa ataata Tinamatua. Sa foliga fiafia o ia e faasoa atu ana tala.

I ni nai minute mulimuli ane, na sau ai i totonu Tina. "Ua uma! Ua matou sauni e o."

"E ese le manaia," sa fai atu ai Tinamatua ia Amelia. "E ese lo'u fiafia ta te talanoa!"

Sa matua fusi e Amelia lona Tinamatua. Na ia vaaia loimata i mata o Tinamatua.

"O le a se mea ua tupu?" Na fesili atu ai Amelia.

"E leai se mea o faaletonu," o le tala lea a Tinamatua. "Faafetai mo le ta talatalanoaga. Ou te alofa ia te oe."

Sa lagona e Amelia le mafanafana i lona loto. "Ou te alofa foi ia te oe," na ia fai atu ai. "Ou te toe vave sau."

A o agai atu i le fale, sa fesili Alyssa, "Na faapefea le faalogologo Amelia?"

Sa faigata nai lo le mea na ou mafaufau i ai Ou te manatu na uma lo'u faalogologo ae lei uma na talanoa Tinamatua!"

"Sa e lelei tele!" o le tala lea a Tina.

"Faafetai," o le tali lea a Amelia. "O nisi o tala na ia faamatala sa malie. na e iloaina sa i ai se tamai povī fagafao a Tinamatua?"

"Pei se povī pepe?" Na fesili ai Sara.

"Ioe! Sa masani ona tietie ai Tinamatua," sa fai atu ai Amelia ma lue lona ulu. "O lona igoa o Star."



Sa faamatala atu e Amelia ia i latou isi tala uma a Tinamatua. Sa ese le manaia o le aoao o le mau mea e uiga ia te ia.

Sa ataata Emily. "Peiseai e lelei pe a fesua'i a ta galuega i le isi taimi. Ou te manao i se avanoa e faalogologo ai!" ●

*E alaala le tusitala i Iuta, ISA.*



O i tatou uma o afafine ma atalii  
o o tatou matua faalelagi—  
E le tutusa uma, ae o i tatou  
uma lava Le Taua,  
Le Taua,  
Le Manaomia,  
Le Aoga,  
Le Alofaina!



# Su'e Mai!

O tamaiti nei e fiafia lava e matamata i manulele faatasi ma le tamaitai o le latou aiga! Su'e ia manulele e 15 mai atunuu ese ma fuamanu e 10. Ona su'e lea o isi mea faitino.

ATA NA TUSIA E DAVID KLUG



**Ponesi:** E faafia ona ta'ua manulele (po o "manu felelei") i le taimi o le Foafoga, i le Kenese 1? \_\_\_\_\_

Vaai i tali o loo i le faavaa o tua.

# Isaako ma le Malumalu



**Saunia e Jane McBride**

(E faavae i se tala moni)

**S**a oosooso Isaako i luga ma lalo o lona nofoa. Sa tilotilo atu o ia i fafo o le faamalama o le taavale. Sa latou o e asiasi ia Tamamatua ma Tinamatua. Sa latou o foi e vaai se isi mea faapitoa.

“O afea o le a tatou vaai ai i le malumalu fou?” Sa fesili ai Isaako ia Tina.

“Taeao,” na ia fai ane ai.

Sa ataata Isaako.

Na oo ina taunuu Isaako ma lona aiga i le fale o Tamamatua ma Tinamatua.

O le taeao na sosoo ai, sa fai ai ofu o Isaako o le Aso Sa. Sa foliga malie le fai o lona fusiuia i le ogatotonu o le vaiaso. Sa fai le tausamiga a Isaako ma lona aiga i le taeao. Ona latou o ai lea i le tatalaga o le malumalu mo maimoaga. Sa latou o e matamata i totonu o le malumalu fou a o lei faapaiaina.

“Ua ou iloa atu le malumalu!” Sa fai mai ai Isaako. Sa tusi atu lona lima i le maota paepae ma le agelu o Moronae i lona tumutumu.

Sa i ai se fale o le Lotu i autafa o le malumalu. Sa o muamua Isaako ma lona aiga iina. Sa latou matamata ai i se vitio. Sa fesoasoani se tasi e faamaulu ni ufiufi i luga o o latou seevae.

Na oo i le taimi e o ai i totonu o le malumalu! Sa savali atu Isaako i faitotoa o le malumalu. Sa lagona le fafia o lona loto.

Sa vaai Isaako i le tele o atavali i luga o puipui. O nisi o ata sa faaalia ai tagata o loo tatalo. O nisi atavali sa faaalia ai ni laau ma manu matagofie.

Ona vaaia lea e Isaako o se atavali sa sili ona ia fafia i ai i lo ata uma. O se





atavali o Iesu! Sa tu Iesu ma Ona aao o loo faaloaloa.

"E foliga mai o loo faamafola mai e Iesu Ona aao ia te au," na musumusu ane ai Isaako i lona Tama.

"O Iesu e fofola mai lava e /e aunoa Ona aao mo oe" sa toe musumusu atu ai Tama. "E alofa o Ia ia i tatou taitoatasi."

Sa i ai se faalogoga lelei o Isaako i lona loto. Sa mafaufau faapea o la e savali o ia i autafa o Iesu i totonu o le malumalu. Sa ia mafaufau o la e opo atu e Iesu o ia.

E alofa Iesu ia Isaako. E alofa foi Isaako ia Iesu! ●

*E alala le tusitala i Colorato, ISA.*



# Na Asiasi Atu Iesu i Amerika



Sa talitonu nisi tagata i le perofeta ma autilotilo mo le fetu. I se tasi po, sa faaali mai ai le fetu fou! O se faailoga ua fanau mai Iesu i se nuu e mamao ese.


I le Tusi a Mamona, sa aoao atu ai e se perofeta e igoa ia Samuelu le nuu e uiga ia Iesu. Sa ia fai atu, o le a susulu mai se fetu fou pe a soifua mai Iesu.






Na mavae atu tausaga.  
I se tasi aso sa foliga mai  
ua faanoanoa le lalolagi  
atoa. Sa i ai mafuie ma afā.  
O se faailoga ua maliu Iesu.

Sa pogisa le laueelele  
mo aso e tolu. Ona  
tupu ai lea o se mea  
matagofie lava. Na  
afio mai Iesu e asiiasi  
ia sa Nifae ma sa  
Lamana! Sa toetu  
mai o Ia, o lona uiga  
sa toe soifua o Ia.  
Sa Ia faaalu se taimi  
ma tagata taitoatasi,  
e toatasi i le taimi.







E silafia e Iesu pe o ai au. E mafai ona Ia fesoasoani ia te au i taimi pogisa ma taufaafefe. O Ia o le Malamalama o le Lalolagi! ●

*Faitau e uiga i lenei tala i le Helamanā 14; 3 Nifae 1; 8–11.*

# Sa Asiasi Iesu ia sa Nifae



O le a se mea e te ta'u atu ia Iesu pe afai e asiasi atu o la ia te oe? E i ai se aso o le a e toe vaai ai ia te la!



# Matua Pele,

O le masina fou le konafesi aoao! E mafai e lou aiga ona faa-aoga ia gaoioiga o loo i itulau U11–13 a o e faalogologo. O le a tatou faalogologo i le perofeta, i aposetolo, ma isi taitai o le Ekalesia---e aofia ai taitai tamaitai i le sauniga aoao a tamaitai. Pe le matagofie ea le taufai fesoasoani o alii ma tamaitai e taitai le Ekalesia? E mafai ona e faaaogaina itulau U11 ma le U16 e aoao atu ai lau fanau e faapea o teine ma tama uma e tutusa le taua. Tatou te manaomia *tagata uma* e fesoasoani e fausia le malo o le Atua.

Ia fafia i le konafesi!

O Le Uo

## O LE AUALA E AUINA ATU AI ATATUSI PO O SE AAIFIAGA A LOU ALO I LE LIAHONA

Alu i le liahona.ChurchofJesusChrist.org ma kiliki le “Submit an Article po o Feedback.” Pe imeli mai foi ia i matou i le liahona@ChurchofJesusChrist.org faatasi ai ma le igoa o lou alo, tausaga o le matua, aai e nofo ai, ma lenei faamatalaga faataga: “O d'u, o [tuu i ai lou igoa], ua tuu atu le faatagaga i le Ekalesia a Iesu Keriso o le Au Paia o Aso e Gata Ai e faaaoga ai le tusiga a la'u tama i mekasini a le Ekalesia, i luga o upega tafailagi a le Ekalesia ma faasalalauga faaleagafesootai, ma atonu i isi anomea a le Ekalesia.” Matou te fia faalogo atu ia te oe!

### Itulau U17: e faalima



**Saili le Liahona  
o loo nanā i totonu!**

### ANOTUSI

- U2** Mai le Au Peresitene Sili:  
Alolofa i o Tatou Aiga
- U4** O Se Ipu Vai Mafanafana
- U6** Talofa mai Kuatemala!
- U8** O Danna ma le Suega Matematika
- U10** Uo i le Uo: Fanau a Matua Faalelagi
- U11** O Tamaitai O E Fesoasoani i le Taitaiga o le Ekalesia
- U12** O La'u Api o Tusigāmanatu o le Konafesi Aoao
- U14** O Le Galuega Taua Silisili
- U16** Manatu Lelei
- U17** O Meamalie: Su'e Mai!
- U18** Isaako ma le Malumalu
- U20** Tala o Tusitusiga Paia: Na asiasi atu Iesu i Amerika
- U23** Itulau e Valivali: Sa Asiasi Atu Iesu ia sa Nifae